

元

懶

翁

詩

集

懶翁詩集序

予每歡天地間往々有可爲之事而偏遇不肯爲之人有肯爲之人而又偏值無可爲之事此固無如何也若乃肯爲之人而又遇可爲之事如董君占魁與其遠祖諱壽民公者不誠足爲予輩所稱道哉公生于元務實學不求聞于人其發爲詩歌皆至性所流露曠達不羈非俗所能囿者故自號曰懶翁藏之篋笥以傳諸子孫則公之不急々于名者猶今占魁之不孜孜于

利者也獨是公之詩集非自今始有前乎占魁
之族人皆欲付梓以垂諸世惜有志焉而未之
逮噫是其族人之力有不足耶抑公之潛德猶
有待耶未可知也然予觀古今不乏人文學士
遭時不偶竟至湮沒不彰者何可勝道而公無
恨矣公距今數百年一旦遺稿得行于宇內讀
之者必如獲至寶矣設非公之賢裔獨力捐貲
則雖鳳藻鴻詞何由登諸梨棗昔賢退之云莫
爲之前雖美弗彰莫之雖盛弗傳今占魁

乃肯爲之人而又遇公有可爲之事不亦後先
濟美相得益彰哉茲際告竣囑予一言予嘉占
盪之仁孝能使先人之手澤昭示于來茲固不
揣鄙陋聊述數語以質之囑者不識以爲然否
是爲叙

昔

嘉慶二十五年歲次庚辰暮春

江西道監察御史前翰林院庶吉士加二級

星源城南磻溪汪桂撰

原序

求詩於詩不若求詩於思蓋詩可學而成思不可強而至少陵有云白也詩無敵颺然思不羣其真得作詩之妙矣吾家懶翁真天才飄逸器宇洒落于詩執筆而成佳思浮動几江山之登眺縉紳之交酬賓主之會離行乎家庭鄉黨所以厚人倫美教化悉於詩發其義且爲學造道沉潛體認常爲無錫州王安節賦求放心齋語意警策仲可持見庶使曹

文貞公大加稱賞詩譽藹浙右則翁不特以
詩思稱得之學問根柢中又可見矣在賓興
日卓匕自許不屑與時人角進取中值科廢
仲可吏憲臬間閱經年又弗克作詩序板蕩
一紀餘翁子恕齋搜輯吟藁得手澤听存若
千歲年缺漏來示使人興懷浩嘆因思翁平
昔樹立大節詩不足以盡竒偉尚當序述遺
行求貴官鉅筆發揚有子所以不死者荅怒
齋惠教之厚云

貴

大元至正六年歲次丙戌孟春月

兩浙解元奉使兩廣尋除巢雲仲可謹撰

序

予觀人世間其祖宗積德厚者天必祐之延及子孫久而弗替其發爲詞藻雖曠世久遠猶有存而不泯者若吾祖之詩集是已吾

祖諱壽民

字松間

號懶翁

行弟淋四居士宋

咸淳二年丙寅八月十四日生至正乙酉十二月三十卒殯古塋坤山艮向係茂一公之長子項氏婆也厥弟五人俱程氏婆也所出今支微弱矣惟公素性聰敏寬和友

愛與諸弟雖分二母似有連床共被之風以
故心和氣亦和其摠爲詩集大抵音韻鏗鏘
詞華駢麗英七膾炙人口惜未登於梨棗故
有見者有未見者而不得入行於世也予生
於二百年後聞東屏公子糙菴公存有遺稿
欲錄之而東屏公子已逝后爲石潭恩叔得
之未幾而石潭恩叔亦逝矣予竟未得其稿
也適值天啟元年予侄志任以英年補邑庠
弟子員予妹友坊市程君命見姪風姿氣度

不比等閑人意他日必能以文章起家者即以女妻之一日翁壻會席予亦與焉因言書籍姪志任曰吾家藏有懶翁詩集不知何許人迺出以示予予七瞿然曰是吾與汝祖壽民公號懶翁居士之手澤也何向之欲求而不得者今何幸得見於斯耶遂往叩姪而貸焉并以錄之夫以祖宗數百年之遺墨當時不能章其美後世莫能盛其傳僅七藏之篋中逮今始睹其全豈非祖宗之積德厚而垂遠

三才圖會卷之九
能使後世子孫傳誦之不忘也哉予年七十
有五兼以不學無文非克闡揚祖宗之幽聊
以錄者或以見膂力之憊而好學之不倦云
爾予何幸而獲覩斯集於曠世之下懶翁公
又何幸使斯集而歷曠世於不泯也哉

崑

皇明天啟元年歲次辛酉孟春月裔孫自公謹
序

遠祖松間先生典籍早酣遊府庠時大元皇
帝法制在學之士俱要每月朔望掛牌背卧
碑點名彼時艱輟急流勇退拂袖歸隱于古
塋之陽築室讀書及遊金陵杭浙遍覽勝景
廣結詩社陶情觴詠以養天年吟有詩集遺
後因爲兵火所燬存者弗全吾堂叔石潭翁
德俊旣慕得前卷而後又得後卷亦爲蠹傷
得叔辨魯魚亥豕之僞明矣先不知石潭翁
已得首卷而翁已逝諸弟誰執志任話談言

出而抄之既錄前卷在三元詞作重陽見石
潭翁之子小名三品官名子禎弟貸而錄之
美矣全矣亦吾祖存日心思垂流不朽云
叔得錄全時

萬歷己亥歲春季月 石潭翁諱德俊思叔立
端錄得二位貸錄

皆

天啟元年辛酉歲次季秋月穀旦 自公書年

七十五叟親齋筆

目錄止卷

送李濯清汪樓碧遊錢塘

瀘川道中

別程松徑

榴花

次韻不易師

次韻題開化江山不老樓

瞥見按察盧疎壘

舟過采石

道中寄醫僧橋井

城中訪徐秋湖

春遊思則庵次韻

西莊偶成

烏石聞鶯

送馮棣軒往康山

送地里楊仲友二首

郡中飲曹免之樓

遊靜住寺

寄王蘭岑

八月足潘大臨句

次韻題黃氏翠湖

遲菊

次韻李傲齋見詔三首

贊按察王謙甫二首

餞馮棣軒

次韻吳鶴舟隱樂堂

與李雲心

宿王家水閣次

脫布袴禽言

碧溪

星川見月山汪宰二首

與李雲心訂書盟

譜李傲齋詩次韻

過北林寺二首

重三日

見縣丞徐芳谷二首

桃花卽事

贈星翁江壽巖二首

郡中搭後舡

次韻李曉溪見寄二首

又李曉溪

次韻馮棣軒見訪

元日雪

追悼李竹阪

舟中別舍弟耕老

春寒

贈明似山和尚

舟中風雨

次節齋先生戲元軒開齋

建康上儒學存耕提舉

入湖

金陵會星川許梧山

金陵懷古

次韻馮棣軒見寄秋感二首

題竹估

郡中九日二首

重九日追和李濯清韻

上元日

漁莊汨富春山房次韻

送李清庵赴南康赤墀巡檢

晉品三首

哭表姪李可與

寄題程子敬亭春齋學易

春暮有感五絕示兒

送青精飯愚隱兒

同蘆舟中次韻夏德固

上廉蕪林平章

上浙西廉訪僉事傅莊山

訪節元宮于眉叟

上湖西廉訪大使曹士開

上王本齋總管

无頼翁詩集

卷

詩

在卷

清明往發雲埧掃父坦翁墓回途次和明卿

暑中寓吳山陳家樓題壁

彭大年爲作石木子扇面賦詩爲謝

次韻劉彥章王孔北巨濟橋碑

哭敬可弟

次胡敬存九日用余水村韻

同胡敬存訪余水村

訪沈秋田路教

訪巫東菽外郎

訪夏凌雲外郎

訪君子祥

補和李表弟敬軒

大嶽嶺過云有虎

用前韻與胡敬存叙別

題居材造石橋次董敬用韻

訪謝卓庭外郎

訪汪嘉甫外郎

簡前峯覓白牡丹

上段君璋總管三首

乙丑祝泰字方鑑甫諸人遊碧渡北程氏樂人機夜歸賦作

方鑑甫往靈山問藥于映玉林僧同宿寺中八月初一

春雪次徐山雲韻

三用謝德嬰前韻

次韻前峯八邑城役歸有感之作 送秋堂弟携家舟遊遇生日

秋堂弟舟至近境而止見和前韻 四月八日夢表姪李可與在

舊居相從如平日覺來寄事悲恻 苗石武坐雨題壁

次周公父山長去年相會于乃岳錢塘呂宗善家與乃父登癸亥

鄉舉未第 二用求名程疑問下學上達 故蒙古倫氏太夫人挽

詞婆源張州判西臺張監察之母歿于發源後封贈方至張在任清

廉同寅率金爲贈 寄李清庵都巡 送王仲禮以衢州路學訓導

補路史 逐新宣差是時缺尹丞簿皆差出 次程仲璧感韻興

懷玉山觀龍湫 中秋同葵心遊懷玉寺 汪端明題懷玉詩和

者稍衆因次韻壁路 王蘭峯遣子至懷玉見邀兼惠二首次韻二首

右龍湫 右捨田 石羅漢花 右登寺 次韻王岩野葛薄石

臘月二十四立春 元日丙寅 次李燕山夫婦全庚七十

次泗洲寺僧總無言翠環亭二首 送胡塘赴古田縣丞

慶李清庵赤墜寨巡檢仕回 秋堂弟碧環亭前海棠與菊並開

送樂平州同知子邁赫磨德赴省試 次汪如彰會族掃祖墓

大水遣悶 九日陪朱平川獄丞公焮堂弟姪登溪北方次平川

韻二首 春感月韻 蒼塢用馮棣軒韻 次焮鴈李雲心

題桃源張呂村借陶韻 送葉仲與山長赴都 次程林題隱焮

堂弟碧環亭 武陵次仲與感事韻 錢塘舟中會婺源龍門觀道

士董洞春從都門請宮額回索句有約 述懷秋堂弟

題表弟李圭仲朔來月亭 同孫竹山飲邵城陳家小圃

次架閣劉明叟韻議劍書院 苦熱吟 送伯水茶舟往江北

蒼塢用馮棣軒韻 乙亥元旦 立春 人日卽事 次李漁溪

自壽韻 與宗人國祥泛舟胥山 八月十四泛舟回宿山家月坐

有感 次孫壻張伯璣韻 寄府吏施子善 雪後訪文川道士

大雪 題徐君同谷手卷 歲寒松柏 聚遠雲烟 西山暮雨

碧潭秋月 寒江釣雪 南畝耕雲 山市樓臺 天門泉石

遠寺疎鐘 斜陽歸棹 竹外芹宮 葛壇丹灶 上蔡縣尹告

役事 上回七主簿 又上田七宣差 上趙彥昇縣水 次韻送

仲榮姪往淮館 題表弟李圭仲都春亭 題康山董藻林秀野亭

次韻補漁溪舊年自壽四詩 次李漁溪元日韻 次漁溪翁二

月初八日自壽 連日醉 坐雨書悶 上己日遣悶 送余見大

赴婺州知事 縣丞趙彥昇到都点義倉 病脚遣懷 病後二首

六月旱市中斷屠求雨 禱雨雷溪并銀潭投詩 銀潭紀事

次韻汪時懋見教 次韻汪會章見訪韻二首 七夕 汪葆先

用其二子三詩韻見寄次韻謝三首 慶表弟李敬軒舉孫次夏德

明韻 送旱 老去 梅雨次允芳弟韻 八月十四夜 中妹女

雨獨坐感懷 次西園兄九月初四日八十自壽韻 補賀表弟李

敬軒甲戌五月六十自壽 又次乙亥年自壽韻 次丙午年自

壽韻 題表弟李文遠泛舟由浙之淮贈言手卷 李仁卿六十

十月望滕渥厓與朱孟祖來吾里秋堂弟德誠相與携酒泛舟共

遊扶余高歌猛飲極一夕之歡自壬戌至是又十五年秋堂弟用

匪前一日詩韻有賦醉中韻口占五首 壽李燕山眷尊八十掌

本氏族譜 題李敬軒壽燕山浩七歌手卷 輓李左軒巡檢題

于愚泉先生山居圖後六言 次淮南丁巡檢司空山收聞有感韻

十二月十九考聖寺修亡室忌辰齋題經簿 哭見大余知事發

州樞歸 大江東代送婺源知州于壽道 題機上燕石藁 春日

晚春 聞鵲 次李廬溪自壽韻 萬事無心 春歸 榴花

次前峯弟喜雨韻 次韻前峯感時 傷齒髮 中秋有感

哭仲玉姪 哭碧山兄 九日小雨 季直八閩刊易回途有紀

行二十三詩索和次韻 次程宿麻沙市張尾店 三程宿藍橋程

店 四程宿早歸口 五程宿白岩前張店 壬子四月季直與唐

景仁在海雲共遊九曲 六程宿石碓三首 八程宿烏名一首

九程宿豐溪市三首 十程宿鉛山人義橋北橋畔有高塔

十一程宿汭口 十二程過了岩宿西洋橋南二首 十三宿黃

沙源人言嶺上有虎 十四程宿萬村二首 十五程宿界田渡南

如在家鄉 季直刊周易會通成賦詩甚喜次韻 次季真聽喜花

畦萊圃皆有生意 紀夢 元日試筆 對梅 次韻鏡塘弟居淮

見寄 寄李用勉 梅花 次李漁溪七十自壽 次韻可大書齋

見教二首 次李漁溪別韻 戲和茶麩詩寄德成姪 社日赴

汪疇鄉招醉歸 表姪李慶星移書齋 慶祐十二叔六十 李厓

瞰借季如恬鳩相地構祠二首 表弟李匡瞰流源庵誌誠 初夏

即景 湖中首尾吟 端午日 清庵李簿來訪去坐上贈別

晉翫碧亭有感 病足遣懷

下卷

上婺源宋同知告伐墓木三首 上婺源陳州判 挽江山東

余祐叟以瓦盆植蓮盛放季真借韓公盆池五絕韻賦詩因次韻

秋夜 閏八月十四夜有感 十五夜無月 次可大昆季用前

韻見壽 次省吾見壽韻 次季真見壽至其妾復有子 寄清庵

薄用夏間送別韻 九日悼亡 九日病中再賦 次汪叔志推官

九日登中平四面山望祖墓松楸有感 初冬 吾廬 霜曉枕上

長至 雪意 次孟子玉同監見和車字韻 寄題李北窓碧閣

亭 題王簿申澹翁爲一翁和尚作春梅一枝二首 李漁濱來訪

次韻李漁溪紀年自壽 春分日雨 百舌 清明雨 梅雨書

悶 朱伯昇 迎猶 李用勉見和迎猶二首 燈花 暮春 聞

前峯納妾時七十五歲作詩以戲之 送祝壽明子顯夫赴東陽教

諭 題李圭仲觀瀾樓三首 次韻李漁溪見壽 再次韻漁溪用

前韻見教 謝李極齋昆仲見番生旦 次韻謝敬齋見壽 次韻

謝北窓見壽 次韻謝東閣李兄見壽 次韻謝李圭仲表弟用厓墩

韻見壽 次韻謝李文達表姪用厓墩韻見壽 夏德明用厓墩韻

見壽 鄒元善諸君偕和再用前韻 再用九日韻謝鄒元善諸公

次韻省吾見寄 春雨 送春 送清庵李主簿至稔總鄉翫碧
亭同飲而別 次韻前峰夏日 恤文刺姪 山居雜興十首 次
可大春歸韻 滕星厓邀飲用元遺山韻 久旱始雨 八月朔日
蝕又報十六月蝕 月夜感舊 老子 李敬山燕山浩七歌手卷
后 題王愚泉先生山居後六言 下元日有感并引

詞

共計二十二首

歌

共計十七首

補遺詩

共計七首

元懶翁詩集卷之上

克念堂藏本

裔孫占魁丕承刊訂

裔孫 昌期月垣 同校

昌瀚海峰

送李濯清汪樓君游錢塘

聞君並駕亦欣然，恨不相從共著鞭。
故國山河空自歎，西湖風景總無緣。
洞中暗想呼猿客，梅下遙憐放鶴仙。
南北高峰應好在，試參耆衲問當年。

廬川道中

海棠睡足柳初眠，好景東南二月天。
夾道長松嘶急雨，倚空危

壁掛飛泉，自憐懶散無如我。誰解清閑却是仙。滿眼春光吟未了。蹇驢背上又聞鶻。

別程松徑

新醪人務難爲醉。舊事閑懷易得愁。歸去山中牢結社。莫從新跡愧沙鷗。

榴花

萬綠疎。七度晚薰。海榴枝上蹙紅巾。可憐費盡鴻鈞巧。有許丹心不報春。

次韻不易師

泉聲洗淨六根塵。碧眼霜眉自寫神。風裡落花空了色。雲邊破衲懶成真。出家自是丈夫事。見性誰非佛子因。何日許分山半席。頻伽林下一般春。

次韻題開化江山不老樓

莫被江山笑客愁。醉來乘興上層樓。晴嵐暮雪瀟湘景，明月清風赤壁秋。峽峙看來皆道体，知仁通義是源頭。新詩不盡登臨意，陌上行人祇得西。

贊見按察盧疎參

爲底銀山輟采薇。星溪七上駐騑七。故鄉正自煙塵滿，願乞風光霽日歸。

舟過采石 古風

風流千載錦袍仙。斗酒未完詩百篇。文章光焰照今古，寧知死葬清江邊。江流激七荒日暮，想見當年捉月處。我來見月不見人，一樽酌月空歸去。

道中寄醫僧橘井

雨過荒村日又昏、數聲清磬隔溪聞、不知採藥師何在、回首青
山禮白雲、

城中訪徐秋湖

高人結屋占深幽、懶覓人間萬戶侯、千里烟波來入畫、四時風
物不生愁、蛟龍得雨終當去、魚鳥忘情且自由、何日名成身却
退、扁舟穩載五湖秋、

春遊思則庵次韻

樹影扶疎日影涼、桃花零落菜花香、偶沿芳草看春色、行盡青
山石徑長、

西莊偶成

出本無心倦自還、偶成幽興自躋攀、數聲清磬隔溪寺、一髮遠
峰何處山、風定徑花香片上、烟消岩鳥響關七、吟情莫被春光

橫城笑倚關半是閑

烏石聞鶯

小雨孤村畫寂家，落花風緊酒旗搖。行人正自無情緒，黃鳥一聲如許嬌。

送馬楫軒往康山

烏帽青鞋老更癯，錦囊分付一奚奴。一川風月詩才思，萬里雲山天籟圖。笑我大方慙海店，憐君短褐著天吳。男兒四海皆兄弟，世上魚羹何處無。

送地里松仲友

晝日赤龍步擊微，晴嵐飛潤濕征衣。還家一笑空歡喜，畫得青山紙上歸。

二

山里乾坤客路長，江風山月費評章。
囊裏一杖挑行李，不是青囊是錦囊。

郡中飲曹允之樓

一徑穿幽破寂寥，醉鄉深處儘逍遙。
風鈴互語東西塔，水閣中憑大小橋。
笑指荷花輕鳥沒，閒敲燕子老魚跳。
主人酌客休辭酒，惟問春風有幾朝。

遊靜住寺

石轉泉驚萬壑雷，風搖花片點青苔。
老僧相對渾無語，時有閒雲出岫來。

寄王蘭峯

人到秋涼意轉深，思君夜七見橫參。
高山流水無人識，蒼壁丹巖有棧尋。
百歲光陰如過客，一天風月是知心。
詩成鴈斷消凝

久落穠荒村起暮砧。

八月尾潘大臨句。

滿城風雨過重陽，客思蕭騷兩鬢蒼。
霜葉掃階留曉色，岩花落酒識天香。
萍蓬轉覓世情短，松菊相看秋興長。
明日登高拚醉酹，龍山休笑孟嘉狂。

次韻題黃氏翠湖。

萬頃湖光有許清，羨君新上散人名。
數聲短笛臨風遠，一葉扁舟盡日橫。
楊柳孤蒲俱雅趣，水雲蓑笠與新盟。
滄浪一曲煙波裡，却是漁翁識此情。

遲菊。

一徑秋深獨自開，雲寒霜冷任相催。
園丁莫訝花時晚，要把幽香替與梅。

次韻李傲齋見訪三首

山抱幽居水遶村，紅塵不到老雲根。
童頑欠放梅邊鶴，客好來敲竹下門。
一懶併將詩寄閣，萬言不博酒盈樽。
高眼許下連床約，風雨終宵共討論。

別後秋風各一天，南雲無鴈到吟邊。
短檠相對成痴坐，長缺自歸少醉眠。
茅屋不來珠履客，梅邊邀得錦袍仙。
書囊欲探誰無底，一夜端知勝十年。

功名有分乘肥馬，宇宙無窮拄瘦筇。
我昔欲僞松處士，君今當是酒家僮。
傍樓且讀床頭易，好句休題飯後鐘。
寄語沙鷗尋舊約，五湖烟水共追蹤。

贊按察王謙甫二首

使星耿北斗，邊來下界烟。
霏頓掃開，萬斛春風噓槁木。
一輪霜

月映孤桐馬跡遠，
山險風腥鷺寒。意氣摧如此，
澄清能有幾。不歸比斗郎三白。

已分殺林伴老猿，
山中兀自不知年。
孤根忽透東皇信，
野老慵傳使者賢。
未必五經真掃地，
試煩一力爲圓天。
青衫要得追前輩，
亦幸先華禮樂篇。

見縣丞徐芳谷一首

客窓祖類蠹書魚，
未悔平生悞讀書。
西漢醇儒寧似董，
南門高士久稱徐。
聲如金石君知否，
樂在箠瓢自晏如。
此意悠七千載後，
何時相對一軒渠。

宇宙風春次第回，
石田猶似老蒼苔。
伴尼夫豈野人也，
伯玉真爲君子哉。
黃卷五車千古在，
青灯一蕊幾時開。
鍾期不醒空遺譜，
還許携琴作此來。

餞馮櫟軒

鶴怨猿哀不可留，出門一笑拂吳鉤。
鱸膾蓴羹客中興，翠穗蘆花別有秋。
萬里關山頻秣馬，几時煙水再盟鷗。
停雲讀罷重回首，獨倚西風夕照收。

桃花卽事

照眼湘桃近粉牆，多情蜂蝶慢輕狂。
東風一夜吹紅雨，又讓春光與海棠。

次韻吳鶴舟隱樂堂

君家何住白鷗邊，不理生涯日晏眠。
身外浮雲能變覺，洞中真趣得天全。
山歌每與樵人扣，樂事那容俗子傳。
姓字是誰人不識，湖山深處儘悠然。

贈星翁江春巖二首

一筇獨步到山家，細問窮通總不差。道我中年防癘疾，不知癘疾在烟霞。

掌作星盤作紙圖，高談欲渴酒頻呼。從君試叩平生事，做得松間隱者無。

竹三雲心

廡盡閑非天宇淨，中間分宿崖茅窳。他時觸石爲雲去，莫作尋常出岫看。

郡中搭夜舡。

月棹風航行夜船，碧天如水水連天。坐中亦有同鄉客，遙指家山阿那邊。

宿王家水閣次韻。

高閣臨流水氣寒，溪聲洗耳夜漪七。十年舊夢今方覺，推枕來

凭月一欄

次韻李曉溪見寄二首

要作人間第一流，尊鱸歸去菊花秋。自憐抵死難驅拙，却嘆平生未識愁。

萬壑松間馴野鹿，一蓬烟雨翫沙鷗。明朝又赴尋山約，斗酒相看盡唱酬。

脫布袴禽言

宅西水長鵲鵲啼，勸我脫袴却渡溪。去年做袴今已典，今年新袴猶在機。如今渡溪水又急，祇有犢鼻高齊膝。

又李曉溪

歲月如波日夜流，風鏹蓬鬢不知秋。田園今我歸來晚，山寺昔人多少愁。却作書郵疑寄鴈，重尋詩社共盟鷗。何時來社煙波

鈞君唱滄浪我輒酌。

碧溪

碧溪界斷軟紅塵。鹿友鷗朋作近隣。每恨無方醫俗士。堪憐說
夢笑痴人。齊門竿瑟不同好。顏巷簞瓢且樂貧。未識老天生我
意。一櫂時到玉嶙峋。

次韻馮楙軒見訪

牢閉柴門懶治生。光陰於我得無情。孤砧倚月秋聲碎。敗葉敲
窻夜夢驚。時事暗隨雲變化。愁城輸與月消平。客來應笑吟詩
苦。厚將髭鬚瓦斷莖。

星川見月山汪宰二首

鄰邦人說此英豪。忘却當年製錦勞。昨夜天風吹霧散。玉盤堆
上碧峯高。

元懶翁詩集

卷上

七

苑念堂

喚起星江舊日春，甘棠蔭裡綠村屯。
前川不負詩人興，花滿河陽柳遶門。

元日雪

天教滕六啟元正，拜了新正賀太平。
桃板且將詩發市，椒觴要與酒尋盟。
風傳花信得寧早，雪映蓬窻如許明。
松下老猿梅下鶴，笑儂禿筆試春耕。

與李雲心訂書盟

少年力學用工深，黃卷中間闕古今。
講貫聖經開絳帳，恢宏吾道淑青衿。
範模莫遣嘲胷腹，學問當先求放心。
共歌銅盤期耐久，巖寒枳栢併孤陰。

追憶李竹畷

竹裡人家花下盃，去年今日共徘徊。
仙風騎鶴歸何處，桃杏滿

園春自開

讀李傲齋詩次韻

鳥飛兔走急流光，憶昔清燈共夜窗。別後心朋寧有幾，人間國士久無雙。獨憐筆陣容城戰，高築騷壇看豎降。千載敲推誰復賞，蹇馱和上老長江。

舟中別舍弟耕老

昨夜同舟汨釣磯，今朝古渡是分飛。鳥啼花落離情惡，日出煙銷酒力微。水折方舟迷去棹，山延空翠濕征衣。臨流送別無他說，莫待春風去復歸。

過北林寺

偶入禪關聽講經，僧言昨日是清明。幽禽自訴春將晚，隔葉窺人啼幾聲。

又

雨霽分顏得好音，秧疇雨足事農忙。誰家園圃遞花信，時有一
截春風香。

春寒

杏花噴火柳搖烟，萬景俱春眼豁然。過了人家寒食節，朝來猶
自着重綿。

重三日

今古真成俯仰間，觥籌空想雪衣冠。蘭亭勝事無人繼，千載祇
傳鴈鴨舟。

贈明似山和尚

平生不識藥和鍼，兩眼看人到夜深。誰信胸中分昨昨，袖師猶
眼且醫心。

舟中風雨

急雨打蓬驚午夢，逆風掀浪起春潮。孤懷正自難消遣，遙見青
筠掛柳橋。

次節齋先生戲元村開齋

食前方丈非吾事，每飯須臾珠有甍。莫笑子空空指動，好從尼
父問心齋。盤中苜蓿何勞說，俎上羔豚豈不嫌。爛肉不來疎禮
貌，後來誰悟此言佳。

建康上儒學存耕提舉

客路紅塵兩鬢銀，知音遙隔暮江雲。千層雪浪空勞望，數仞宮
牆未得薰。寒士何時歡廣廈，老夫應未散斯文。簞瓢陋巷從吾
樂，歲晚心思一畝芹。

九湖

執謁無人慰寂寥，只憑茗椀與詩瓢。
曉看雲氣占風泊，夜睇家山認斗朝。
遠水拍天相映帶，白鷗無我自逍遙。
江山滿眼真如畫，却恐丹青未易描。

金陵會犀川許梧山

番歛雲邊昧此生，相逢驛路嘆行旌。
江山滿眼客懷思，風月一肩詩擔輕。
鬣鼠未知慙短技，鷗鵬寧許附修程。
近來豪傑知誰是，來訪先生月旦評。

金陵懷古

金陵風景古稱奇，惟有青山似舊時。
懶傍危樓看廢堞，自尋遺址訪殘碑。
六朝事業猶堪問，千載英雄洵可悲。
俯仰乾坤重回首，數聲斷鴈帶斜暉。

次韻馮楹軒見寄秋感二首

垂

莫羨貂裘恥布衣。天窮達豈無時。天老鶴神方集。木寒
風韻已悲。千里江山筆。樹隔百年富貴露花垂。襟期欲訪無人
共。獨倚西風寄詩。

病不禁風已披衣。愁濃之。值酒醒時。孤燈照夜。蛩螢泣。萬籟號
風草木。春夢裡。壯心猶取。鏡中短髮已垂。少年婉婉成何
事。檢點空囊剩有詩。

題竹居

張君爲竹移家意。不俗從人。說瘦生綠蔭。侵書凝晚色。清風留
客聽秋聲。香染霜雪添標格。祇有松梅可弟兄。若箇主人直領
會。歲寒心事不須盟。

郡中九日二首

老却西風客未家。江城日暮聽吹笳。遙知荒徑秋生恨。羞對他

人籬下花。

寒蒲初縛團臍蟹，絨柳新穿巨口魚。共泊酒船拚一醉，打蓬江
雨夜踈七。

重九日追和李濯清韻

風雨不來秋儘閑，其君今日更追憺。烏紗忽向風前落，黃菊何
妨秋後看。愧殺大臨猶有句，詎逾陶令在無官。故人與我俱年
少，此會悠七興未闌。

上元日

上元午子上元日，天氣晴明萬象新。不是東皇施德化，人間那
得許多春。

漁莊汨富春山房 次韻

一來構屋白雲邊，日出東窓正穩眠。須信浮生原是客，以從何

事更求全澤中釣，叟八難識谷口耕。夫世其傳料得宜，牙醉翁
意蒼顏白髮謾頽然。

送李清庵赴南庚赤盟巡檢

茂樹清泉隱者居，胸藏彭蠡有通儒。九天黃紙頒新降，千里赤
旌行坦途。元帥風流驚滿座，將軍號令震前驅。警巡勞徼尋常
事，爭似魏冠佩虎符。

晉邑 三首

曉鐘驚夢續難成，卧聽虛筵注雨聲。又是人間春甲子，農家殘
麥卜陰晴。

兩年不聽寺樓鐘，耆舊相逢笑鬢蓬。借問近來能飲幾，一盃春
色早可暎。

柳煙花日照紅樓，七上歌人不識愁。三十年前狂飲處，春雷惟

許夢中遊

哭表姪李可與年二十七

湖海襟期，泉石姿妙，齡詞翰俊聲馳。而翁一子有如此，造物戲人何所爲。豈是玉樓重作記，未應天道果無知。情親說到移根處，痛憶生前泣別時。

寄題程子敬學春齋學易

默坐焚香一室虛，韋編時展足堪娛。忘前芳草自家意，簷外梅花太極圖。泰宇發光誰教子，天心見復我支吾。箇中造化參天地，日心陽和何處無。

春暮有感五絕示兒

門前枯草長，華姿尾後新。花發舊枝，可是東君欠公道。春來不
綠鬢邊絲

啼鵲聲急又春殘濃綠成陰杏子酸獨對茶糜心事焉
長是雨中看

惜花不忍掃殘紅片上誰憐造化工自是直枝還自語
明年依舊笑春風

百花開盡莫傷神寸地栽石別有春但願芝蘭香不斷
忙時容我作閑人

愁多鬢髮早如翁飽看風花過眼空多謝故人憐懶散
不談時事到山中

送青精飯愚隱兄

鶯聲已老又蟬聲節物催人白髮生莫恨某貧無妙藥
爲君裹飯寄青精

同蘆舟中次韻夏德固

故人有約浙江東，乘興登程憾太匆。
萬里乘興歸眼底，千年史記在胸中。
光陰可惜羞明鏡，風雨相看滿短蓬。
堪笑欲閑七未得，隨波却羨兩鳧翁。

上廉蕲林平章

天家賜姓夙蜚聲，四海兒童識姓名。
肯袖玉堂揮翰手，來尋綠野看山盟。
諸郎已在青雲上，老子何愁白髮生。
却恐九重恩問政，五更虛席待耆英。

上浙西廉訪僉事傅山

癸亥考試官

鄉薦十年理學明，又聞名氣壓豪英。
商岩作雨聲猶在，晉閣生風政化行。
袖拂天香丹使節，眼高秋月秉文衡。
巖崖無限霽蘓息，早與鄧家立太平。

訪開元宮王眉叟

曉晴雲氣護開元人在湖山小洞天九轉外丹閑藥灶一編河
景秘心田瑤樓玉宇無會到明月清風醉却眠少選笑談如換
骨更從何處覓神仙

上瀾西廉訪大使韓士開時致仕在常州

乾坤軒豁白日曠河海淨宇清風生綉衣獨立霄漢表七照吳
越何多情瀾西地廣人物繁相見問俗吏搭寒麒麟瑞世狐兔
伏鴈隼欲翻燕雀歡栢台官花姓字香楓宸屬意求忠良刻期
輟裝繩祖武霖雨大早霈八荒歸然獨擅經濟材云胡早賦歸
去來寧知聖朝重元老名位正爾虛三台

上王本齋總管

番水當年舊使君歸來光照浙江濱東湖畫舫猶如昨南國甘
棠幾度春末節渾筹司斥鹵尋催持斧展經綸心存忠孝天應

識四海蒼生望秉均

清明件發雲埤掃父坦翁慕回途次和明卿韻

躬耕欠買墓前田，麥飯松楸獨惻然。
華表未歸千歲鶴，清明又聽數聲鶉。
落花芳草無非恨，遠水荒山不改前。
欲作思亭誰與記，一樽空洒淚如泉。

暑中寓吳山陳家樓題壁

赤日黃埃爲底忙，毗陵四棹又錢塘。
臨時應取山盃笑，辜負公風六月涼。

塵滿征衫歸曲山，空將詩夢遶錢塘。
小樓無奈市聲鬧，獨對吳山納晚涼。

彭大年爲作石木了扇面賦詩爲謝

竹樹蒼寒石怪奇，石邊草徑入煙霏。
高人自識山居景，只欠茅

次韻劉彥章王孔

次韻劉彥章王孔之巨濟橋碑

古渡浮橋又一新，水山閑立看行人。
舟橫鴈齒映澄碧，亭列龜趺載巨擘。
況有大書傳後代，可無名筆紀前因。
從茲穩步康莊路，莫向長淮更問津。

哭敬可弟

造物何爲苦忌才，衆醫無術起虀頹。
喪時病父通宵哭，負觀孤兒曷日回。
詩社有誰全琢句，酒爐空自憶啣盃。
平生豪氣今何在，池草春深夢不來。

大觥饋過云有虎

雨過新泥印虎蹄，山行惟恐日沉西。
僕夫四顧蒼煙外，喜有人家在隔溪。

次胡敬存九日用余水村韻

重陽忽復是今日，獨對西風意若何。
三徑荒來新葺瘦，小窻幽處古香多。
病間無與同清賞，醉起猶能發浩歌。
遍踏茱萸懷別馬，天寒長欲灑烟波。

用前韻與胡敬存叙別

故人一別動經年，秋日相尋謂我何。
往事忙然談不了，舊交老矣會難多。
鈍根未悟惺七法，凡骨空傳踏土歌。
喜甚識君松菊徑，却慙征服困風波。

同胡敬存訪余水村

時除寧國教

頃人近在考槃阿，一片雲邊隔幾何。
經濟識時登仕早，聰明善用讀書多。
大臨翰子石新作，老杜從渠賦浩歌。
臘喜斯文天未喪，要看砥柱屹頽波。

題磨材造石橋次董勣用韻

雨急湍鳴日欲西，斷橋無奈是春溪。
布金長者如心肯，驅石神人若手提。
靈鵝羣飛雲影動，長虹橫吸水痕低。
梁成何日重過此，泚筆清流續舊題。

訪沈秋田路教言葬書院

手提文印我鄱陽，閭巷相歡盡讀書。
幾仰清風吟八咏，獨慙陰雨負三餘。
表章先逝心知晚，樂育英才席不虛。
此事扶持須我輩，千金一諾若何如。

訪謝草庭外郎台州人

獨抱英才洵不羈，郡才小用果何爲。
意前意思竟難會，夢裡池塘也自奇。
江右故家流澤遠，鄱陽今我識君遲。
功名牘有詩書在，鴻鵠寧求燕雀知。

訪巫東菽外郎 京口人

鉄甕城頭未識君，古番江上始相親。
坐曹治事了忘倦，按律詳刑若有神。
北固鐘聲千里夢，東湖梅信一枝春。
由來四海皆兄弟，惟有知心是故人。

訪汪嘉甫外郎 休寧人

新安山水蘊精神，宜有聰明立要津。
小試吏材千里郡，威傳人物一團春。
蜚聲足繼江南寶，文字都爲席上珍。
老我栖遲嗟識晚，尙憐尺牋欲求伸。

訪夏凌雲外郎 仁壽人 舊在婺源相識

別去星源几度春，每瞻明月憶前因。
折梅莫寄隴頭驛，得句空吟日暮雲。
誼重故人青眼在，愁濃遊子白頭新。
輕裘肥馬多豪傑，誰識當年范叔貧。

簡前案頁白牡丹

野鴨幽芳不足稱，膽疑長伴從。孟乾名園春色，芽齋少試覓櫻。
詞白牡丹

訪君子祥宣城人仲德外郎之子

異郡修途，歸身塵，相逢今在楚江濱。既瞻佳子知嚴父，共對梅
花如故人。案牘詩書宜並用，功名政事合前陳。君家世冑多豪
俊，努力青春立要津。

上段君璋總管三首

時路學與薦福寺爭東湖久不決至
是漸還路學

金甌久覆姓名香，暫駕朱旛典楚邦。雲路大材知有幾，江城善
政號無雙。一方明月印千里，四面清風展八窗。春動梅花開四
寶，荊州既見我心降。

其二

儒宮禪窟古城邊，爭道東湖勝景全。誰解無心終讓畔，公能有
力獨回天。危亭日永看芹藻，畫榭春深闢管絃。扶植斯文明教
化，豐碑留與後人傳。

其三

中免海道運糧踏勘水旱賑恤飢貧

布治清平不尙苛，三年飽聽路人歌。極憐海道風波惡，更憫田
家水旱多。溝壑飢民勤賑恤，山林寒賤薄徵科。寇君儻得長晉
佐，番水生靈圖太和。

補和李表弟敬軒 五月十五日壽

榴花照眼子初成，弧矢應知舊日情。造物降祥由作善，至人緣
學可至生。遲看花甲十年滿，共指長庚一點明。想得諸郎稱壽
處，移觴先跪進難兄。

乙丑祝泰字方鑑甫諸人遊碧渡北程氏樂人樓夜歸戲作

新晴無處不春妍，人事天時雨得全。忽有異香來後圃，偶乘佳興過前川。白頭倚檻看花柳，紅袖傳觴弄管絃。日暮歸途爭秉燭，懶翁獨上釣魚船。

方鑑甫往靈山問藥于映玉林僧同宿寺中八月初一

既雨遂晴新興長，岩花飄出月中香。何年共結三生願，待尋僧房一夜涼。

春雪次徐山雲韻

天公不念受芳寒，剪水爲花玉點翰。書帙懶將燈下讀，漁舡好向晚來尋。家僮掃徑喜欲舞，林鳥遷巢去復圓。深羨當年老吟將，不持寸鉄獨登壇。

三用謝德畏前韻 往年痛飲于荷亭

別來白髮與愁眉，辜負荷花几度香。今日相逢情更厚，葡萄新

酒自清涼

次韻前峯八邑城役歸有感之作

差科方定已殘春，悍吏紛七日與親。
賸喜有了能幹蠱，更聞書
勿不侵晨吟。邊公案饒風月，花外行藏後鼻茵。
愛惜光陰須秉
烛，人生蕩草集輕塵。

送秋堂弟携家舟遊過生日 三月

芳辰行樂喜齊眉，聞買扁舟更出奇。
隨柳傍花櫓燕語，浮家泛
宅海鷗知。重尋曲水流觴處，共聽滄浪鼓棹詞。
攜取飛瓊同獻
壽，番江風景即瑤池。

秋堂弟舟至近境而止見和前韻

暮春天氣月初眉，一棹番江計亦奇。
雲出無心歸自好，花嬌欲
語倩誰知。流行坎止何須問，醉舞狂歌且莫辭。
想倚柁樓回首

處杜鵑聲切熱差池

四月八日夢表姪李可與在舊居相從如平日覺來寄事

悲慘

傷心可與欲何言，夢裡相從似昔年。
談笑猶能傾滿座，形骸那得起重泉。
谷神不死嗟唐語，天道無知豈爾憐。
願我平生情獨厚，惜揮老淚濕寒毡。

留石武坐兩題壁 時欲游懷玉山

空谷藏雲生晚色，高簷洗雨助新聲。
無人可與天公道，少借遊山幾日晴。

次周公父山長去年相會于乃岳錢塘呂宗善家與乃父

登勞亥鄉舉未第

環堵蕭然自晏如，高軒忽貴野人居。
清風明月兩杯酒，往古來

今一卷書欲問生涯甘冷淡，稍談時事笑迂疎。相逢却憶去年日，同上吳山望尾閭。

二用北名經疑問下學上達

群名慎勿嘆孫山，喜見高文氣象寬。不學羨君能上達，外疆愧我內中乾。精廬芹藻官雖冷，北闕風雲路未漫。喬梓聯芳冰玉映，豈愁八節又高難。

故蒙古倫氏太夫人挽詞。婺源張州判西臺張監察之母。歿于婺源。後計曾公主張在任清廉，同寅率金爲賵。

魚耳隨養飲溪湄，一夢以驚與世辭。紫誥頒封身後見，清心守節世間知。會傳博質訓，雀寔無復平反問。不疑五百祝金奔，徒賻晚風歸旆曷勝悲。

寄李清庵都巡將任南康縣

赤墀寨

夜雪扁舟繫碧波，酒盃燈下涓城歌。江山悠邈音書少，歲月推移感慨多。寄驛定知來庾嶺，乘槎空擬泛星河。何當共話兒時樂，一笑鶯鶯兩鬢皤。

送王仲祖以衢州路學訓導補路吏

邂逅論心憶去年，柯山風月爲流連。攜書入樂泮，宮藻捧檄今。依幕府蓮，三釜養親知務本。一行作吏欲通權，秋宵鶚薦交馳。處莫負儒冠，更著鞭。

迓新宣差是時缺戶丞簿皆差出

馳名浙右復江東，山色呼傳好宰公。政事看從今日始，襟懷開與古人同。一輪日出煙塵表，百里春行雨露中。獨館銅章官省事，省璽書時見獎公忠。

次程仲璧感興韻 時張塘詹才有殺傷之事得會赦
海隅遺恨失蜚廉，大道茫茫孰與憐。起死無方那得藥，通神何
物莫如錢。忿來身世俱忘了，往事鬚眉已皓然。聞說薰風能解
愠，清晨遙炷一爐烟。

懷玉山觀龍湫

千層翠壁瀉寒泉，下有龍神困正眠。每見風雲生白晝，定知霖
雨作豐年。鄉人請水常持敬，吾祖同山夙結緣。却愧此來君已
晚，倚筇凝立更盤旋。

中秋同葵心遊懷玉寺是夕無月

曉視山色夜聽泉，露冷禪房且未眠。安得令人見古月，定從何
處問明年。要參百尺竿頭意，共結三生石上緣。天上老松應識
我，幾時與子共週全。

汪端明題懷玉詩和者稍衆因次韻壁路

路遶層巒水遶城，幽禽對語更交情。
僧房竹戶因風掩，佛閣蒲
窄帶雨敲，勝景良多難獨往。
舊碑猶在得新抄，山靈莫訝匆匆去。
日月如梭恐易拋。

王闕奉進子平懷子見邀兼惠二首次韻二首

勢幽偶宿贊公房，欲得安心未得方。
若語傍人因絕倒，寧知此
叟是佯狂。壯懷已逐流年老，愁緒空隨白髮長。
千里嬋娟一杯酒，山中誰負桂花枝。

其二

支藤高躡萬山巔，袖拂荒碑語舊緣。
禪月有情與定水，隱峯無
處問蒼天。碎塵謾說三千界，住世誰看五百年。
遠尋寄詩增感慨，寶藏晉與千孫傳。

右龍湫

何年銀漢落飛流，山鎖雲封石壑幽。
四海望霓心正切，豈知靈物在寒湫。

右捨田

地闢龍門快一登，買田原不爲要名。
老僧飯飽向龍靜，六月風雲頃刻生。

石羅漢花

誰譜姚花擬至尊，此花佛號豈無根。
人將塵土不堪種，莫向春風怨少息。

右登寺

至人不受外緣拘，麈尾誅茅一室虛。
端似淵明來入社，玉琊千載仰匡廬。

高祖輔龍亭宋時懷玉山結廬捨田事著碑今百有十二年追慕前猷往觀陳迹感慨之餘敬次韻碑間五絕句
時大定二年中秋節已錄在別卷

次韻王岩野嵩薄石

夢遊天然二祝金仙席巽世包致目前勺水卷山能小巧虎鬚龍骨聞清妍閑中愛物多成癖燈下觀書少避煩記取看花休浪語却教富貴更長年

朧月二十四立春

臘去春回歲欲除懶裁新句換桃符生涯冷淡乏才策學業荒疎負壯圖小忿肯傷兄弟睦多金只益子孫愚天憐慈母老途健遶屋觀梅不用扶

元日丙寅

新歲新晴萬象新，鄉閭友慶喜津津。丙寅重見揆初度，壬子今
占屬上旬。檢點梅花僧俗客，栽培萱草悅慈親。不辭後飲椒香
酒，讓與兒童早得春。

次李燕山夫婦全庚七十五年九月

萊子豪山識見長，肯如晏御意揚。卜居久占林頭勝，稱壽誠
誇筋力強。庭桂種來蘭欲茁，渚蘆開過菊重香。兩人一百四十
歲，相敬如賓鬢未蒼。

次泗州寺僧總無言翠環亭二首

古木陰濃夏亦寒，亭前池水碧潺湲。禪心已寂境途淨，眼界無
塵意趣閑。飢飯困眠宗慧海，禪冠木屐笑寒山。客來慎勿談村
事，坐着氣雲去又還。

其二

坐慕維舟倚柁梢，今朝開步過芳郊。尋幽日笑蜂鑽紙，入定難容鵲構巢。寫影貫休頻夢見，攢眉陶令每神交。想知得句無人會，空聽鐘聲帶月敲。

送胡鼎赴古田縣丞

欲把藍田擬古田，英猷未許昔人專。仕非爲祿我知子，子不負丞心契天。獨把清醒超物表，長懷詩禮在親前。士風民俗需新化，白里芳聲萬里傳。

慶李清庵赤墀寨巡檢仕回

赤墀西望眇風埃，細柳那能度大材。六十華年千里別，九重恩命一官回。空囊僅有東坡竹，清夢猶存庾嶺梅。寄語北山猿鶴道，玉堂揮翰待君來。

秋堂弟碧環亭前海棠與菊並開

草木凋零未足嗟，天教春草伴秋花。會知西蜀嬌妖客，也訪東籬隱逸家。滿徑傲霜明白玉，數枝承露結丹砂。欲吟一美無佳句，獨倚花欄到日斜。

送樂平州同知子邁赫磨德赴省試仲可學生故末句云
文場奏凱揭名香，喜動親闈笏滿床。引發果由中道立，寬柔無復北方強。四書互問明經旨，萬里一飛觀國光。行到丹墀爲舉首，天人三策有遺芳。

次汪加彭曾族掃祖墓

慕羨揚州多墓田，溪山大好是星川。過家山冢應如日，束帶躬耕定有年。五患不侵三尺土，四恩長報一爐烟。平陽舊譜誰爲引，感慨今人憶老泉。

九日陪朱平川獄承全秋堂弟姪登溪北方山次平川韻

二首

危巔千古勝遊稀，此日登臨盡醉歸。
鳥道有誰能作棧，牛山空向淚沾衣。
神隨雲外飛仙佩，目注天邊織女機。
插菊滿頭增悵望，澄江如練憶玄暉。

大水遣悶

柴門閉積雨，兀坐送春暮。
嵐氣潤侵書，溪聲喧八戶。
巨浸吞遠天，浮槎閣高樹。
直疑河漢翻，復恐蛟龍怒。
痴兒其其情，老子方覓句。
悠然卧北窓，枕肱看雲度。

春感用韻

晚風不可繩，芳事暗愁絕。
澗桃紅亂雨，山梨墮山雪。
適見東風來，慚與東風別。
流光不待人，過眼如電掣。
浮生亦如此，念茲五情熱。
嗟予落世網，萬想無由滅。
騎鯨骨不仙，屠龍手已

拙一來青松間琴書自娛閱俯視區宇中茅屋封蟻垤賴此一
盃酒痛飲酌佳節頽然倒接籬長笑蒼壁裂

蒼鳩用馮楙軒韻

山中無世日病裡老春華幽鳥勸沽酒樵兒唱採茶鄉書鴻鴈
信吟社白鷗沙醉墨酌新句糊塗自晚鴉

次秋馮李雲心

菰米水田熟蘆花秋圃深邊聲動落月鄉思逐雲岑猶有隨陽
意寧無繫帛心江南北風急黃葉正蕭森

蓮桃源張呂村借陶韻

世路豺虎多壁壘歲月邁一來種桃花桑田自阡陌男耕女亦
蚕世換頭不白漁郎舍舟來初疑天地窄相逢各自驚借問何
處客辭歸難再款流水澗仙宅

送葉仲與山長赴都

秋高爽霜露、欲曙聞雞聲、酌我一杯酒、送君萬里程、茲行豈不佳、遠別難爲情、男兒功名願、有志事竟成、要在行所學、晝錦安足榮、行者必有贈、勿謂斯言輕、

次陸林隱題秋堂弟碧環亭

吾愛少陵叟、桑麻映社曲、又愛徐仙翁、龍池從天目、常擬扶瘦筇、遠覽書卷足、坐怡歲月道、莫駐雙鬢綠、勝地世豈無、勝事誰能續、茲鄉歛奧鄰、山明水復潏、溪聲淨復聞、嵐影煖堪掬、主人構危亭、臨流更高築、四時足佳興、萬象歸遊矚、神閑見物性、境寂消人欲、妙齡胸次奇、加以仁義沃、塵寰名利闕、此理思爛熟、涉園趣頗真、學圃意何篤、寧辭一斗酒、肯羨千鍾祿、開徑領客遊、贈詩喜拜辱、若鳳鳴高岡、有駒在空谷、倚闌發長笑、珠璣驚

滿斛况復對此君。瀟灑能醫俗。

武陵次仲輿感事韻

會識虬髯客。終看燕頤侯。正堪書咄咄。未可賦休休。勸子應如願。從渠有莫愁。晚成須大用。野水看孤舟。

錢塘舟中會婺源龍門觀道士董洞春從都門請宮額回
索句有約

龍門據幽勝。古洞春意深。中有練藥師。種杏今成林。御風謁紫皇。稽首問妙音。飄然動歸翼。相逢越水陰。布袍探白羽。鶴骨浮雲心。錦軸出名筆。瓊箋寫高吟。同舟連日語。志願能獨任。琳宮帶城觀。寶額輝黃金。雲屏展奇畫。月戶鳴清琴。星河可乘槎。約我來取尋。

述懷秋堂弟

浮生等春夢、覺席未煖、清晨理明鏡、白髮稀且短、昔交湖海
豪、晚結漁樵伴、生涯甘冷淡、幽趣寄消散、寸心懷慈母、萬事付
天官、君家花藥棧、文籍足編纂、自憐析理疎、更覺識字罕、便腹
匪經笥、枯腸負茶碗、空山猿鶴愁、歸計良已緩、松菊兩眼明、風
月一帚滿、悶行困卽眠、度兀遂吾懶、

題表弟李圭仲朔來月亭二十八句

種梅憶老仙、仙境宛如故、承家善繼述、重構來月處、我來月未
來、月來我適去、今茲偶登臨、巧與月相遇、風恬萬籟寂、雲歛衆
晴露、開戶逐清光、舉酒洗塵慮、清光入肝脾、表裏共明著、恍疑
遊廣寒、復若登天柱、乃知人與月、會合各有數、紛々暗室中、酣
寢將望曙、此時一段奇、幾輩得其趣、而我獨與子、無眠瞻玉兔、
往事不可思、流年愧虛度、俯仰慨今古、醉墨洗心素、

同孫竹山飲郿城陳家小圃

小院春光滿，縈迂一徑涼。風烟開霽色，草樹發幽香。戶外郎塵境，樽前如故鄉。明朝有佳興，來此更徜徉。

次架閣劉明叟韻議劄書院三十四句

結廬番水濱，柴戶久不開。賢出綸緒，獨愧無真才。談經老章句，出處深自裁。緬維朱夫子，理學析根荄。程董在當時，問答伴蒼回。舊祠化塵土，古塚荒蕪萊。可無數間屋，瀟洒如釣台。誰能辨茲事，莫匪天安排。明時敦文運，曉日驅陰霾。微垣有偉人，駕風從天來。止如歷塊驥，寧忍伏櫪駘。官身因有責，儒術誠通該。斯人抑荷草，立議圖規恢。將使不日成，堂聚鳴樞根。讀君寄遠詩，欲和頻敲推。揮汗踏寒水，振衣掃浮埃。願言勗清德，雨露長滋培。

苦熱吟

火龍猶威不受輓，灼燉天地無遺空。
陂池湯沸上山焦，紈扇無功絺綌重。
朝食既苦蒼蠅繁，夕寢莫奈飛蚊闕。
鮮衣脫巾汗如流，石枕竹床不成夢。
世上應有富貴鬼，林亭風榭半仙洞。
金盆注水龍鱗寒，玉案堆冰酪凍凍。
寧知田家作苦勞，矮屋如斗牖。
如甕吳牛喘氣大吐舌，十病九關愁耕種。
安歌未必長安歌，忽見早晚涼颼動。
四時代謝若循環，鴻燕春秋迭相送。
痴兒侍久寂無言，笑指月明差可共。
夜闌露坐蔽松扉，一樽獨愛荷花供。

送伯永茶舟往江地

昔聞趣裝欲趨燕，激視萬里輕山川。
觀光上國擬獻賦，名公贈言錦聯篇。
胡爲此舉曾復尼，健翮不展今踰年。
忽焉舍名甘就利，貴出賤收師計然。
摘山討異向江北，直可數日省腰纏。
奇

異債紛貿易，富商巨賈相詔連。量珠買妾金換酒，牙籌簾夜喧。
管絃居官樂事那有此，折腰五斗直堪憐。詎知生財有大道，重
利輕別寧非偏。子年方妙更才俊，詩書滿腹多精研。況復今秋
當大比，經明行修誰敢捐。萬人場中看磨戰，唾手金紫還青毡。
得仕得祿行所學，一舉名利斯兼全。云何作計不出此，且與蠻
觸爭蝸蟻。自言藏玉將有待，流行坎止但由天。膠鬲舉會魚窟
市，齊人會識陶朱賢。文章無乃小技爾，二字心事今誰傳。吾聞
斯語壯其志，欲行把酒吟三篇。

狂塢用馮棣軒韻

白雲番客住，對酒且開眉。秋蓼紅如醉，晴嵐煖似炊。鶴歸僮未
覺，魚樂我先知。唵院有公事，閉門方覓詩。

乙亥元旦

雪晴風煖好新年，白髮山翁尚晏眠。
莫笑椒觴遲到手，兒童曾飲父兄先。

立春

天地春回萬象新，山空水態亦精神。
自家意思吟難盡，拄杖看梅月滿身。

人日卽事

上旬憂見戊，七日喜逢人。
對酒飲隨量，愛梅看入神。
老鷺親攸少，貧願子孫勤。
寄語江南叟，修書愧勿嗔。

次李漁溪自帶韻

天際孤南曉，霧開祥光遙。
燭釣魚臺，燕居大厦非巢幕。
鴿放金籠始擲杯，病減邑聲宜淨掃。
心閒福祿自明來，梅花早結調羹實。
實知有東皇雨露培。

與宗人國祥泛舟看山

可人特地扣柴關，乘興登舟不作難。
勝事每從閑處得，好山宜向靜中看。
龍蟠虎踞今何在，兔走烏飛歲易殘。
富貴由天生有命，曾傷何事太多端。

八月十四泛舟回宿山家月坐有感

七十人稀自古來，病魔催我鬢頭白。
傷心竊築蟾宮去，乘興登舟剡曲回。
獨宿山家非避俗，偶逢隣叟且啣盃。
月中忽見伶仃影，空想班衣憶老萊。

次孫婿張伯瓌韻

取科張董夙超羣，努力功名要及辰。
冉冉嗟予今白髮，堂堂喜子正青春。
詩書更苦十年學，冠蓋須榮七尺身。
小院門闌欣得，
賢題四牘紙見青親。

寄府吏施子善

蒼霄溪山產妙人，明閑吏職削文深。
詩成筆底生烟霧，學積胸中貫古今。
三策我應慙舉首，五經君合繼儒林。
神交千里其明，月不待承願已見心。

雪後訪文川道士

溪山雪後十分佳，乘興來尋隱士家。
說與疲奴天未晚，緩行贏得看梅花。

大雪

萬里天風碾玉塵，三千世界頓精神。
虛庭無月明如畫，枯木俱花勝似春。
行酒底須煩大嫂，烹茶元不羨麋人。
閉門高卧真奇絕，那用乘舟剡水濱。

題徐君同谷手卷

荒坡山水含清姿。天門一峯尤峭竒。蒼松怪石滿三谷。啼鳥落花分四時。昔遊大谷傷春老。復遊中谷悲秋早。偉哉此谷獨寬闊。暖風涼月長美好。宅裡避喧有醉翁。良辰樂事與人同。樂同趣。美人少。識青眼。轉白眉。飛鴻平生不遣雙眉皺。凜掃虛室添香獸。酒滯藥鼎辨長年。棋局詩篇消永晝。豈知門外走紅塵。但喜席上來嘉賓。醉翁長嘯谷亦嘯。竒響相答如有神。世間何地無佳境。七在得人相與永。捲圖爲君發浩歌。目送天門白雲影。

題張月潭樓亭十二景

歲寒松柏

翠柏蒼松一水間。貞姿黛色照危欄。棟梁後日人方識。曾與溪山共歲寒。

聚望雲烟

勝景長誇聚遠樓，雲山煙水一簾鉤。
近來寂寞無人管，天付詩翁一併收。

西山暮雨

山雲蔽雨夕陽邊，密酒斜飛度遠天。
伴我小樓看爽氣，任渠高閣捲珠簾。

碧潭秋月

玉宇無塵月更明，寒潭印影老龍驚。
主人俯仰觀光景，心與乾坤一樣清。

寒江釣雪

江上風寒雪片深，孤舟漁父釣江心。
鬚眉交白君休笑，會見持竿來聽琴。

南畝耕雲

一犁向爨帶雲翻，飽犢陽坡襍襖乾。怕有躬耕辟世士，不煩試問姓名存。

山市樓臺

林影嵐光接市塵，賣魚買酒日喧闐。東家樓閣西臺榭，長有書聲雜管絃。

天門泉石

石怪泉香不染塵，長疑河漢落雲根。人寰有此真仙境，我欲乘風扣帝闈。

遠寺疎鐘

白雲深鎖梵王宮，更有高僧住別峯。日暮長風何處起，花前吹度數聲鐘。

斜陽歸棹

烟波澗七遠山蒼遙見歸舟棹夕陽不上前灘何計宿酒家門
外繫垂楊

竹外芳宮

菘竹漪七隔竹牆清風時引藻芹香日長隱几聽經誦餘韻飄
七遠更揚

葛壇丹灶

仙鶴高飛慨雅川丹爐灰冷久無烟亭中飲客思澆渴猶有當
年舊井泉

上翟縣尹告役事

政事文章闡祖風令名久已播江東宅邊樺柳人猶羨堂上鳴
琴意正同庠序絃歌增士氣郊原雨露起農功親民如子今重
見百里生靈化育中

上回回主簿

赴闕重來善政寬，何妨枳棘暫棲鸞。
公庭簡訟吏人承文學，崇
儒士子歡百里。隱情如眼見，四民生計得心安。
搏風許看扶桑上，藜息巔崖莫作難。

又上回七宣差

山邑人煙在萬山，相傳競說好新官。
晉心賦役察貧富，要使巔崖百姓安。

上趙彥昇縣丞

長於鉅竹伴吟哦，烟水雲山出色多。
寒否老儒貧更病，願從筆底覓陽和。

次韻送仲榮姪往淮館 多歲同兄

行今幾兄

手線密縫衣在身，雪晴往路不出塵。駕悲失序憐遊子，琴喜知音遇故人。黃卷須明岩下電，青衫應識座中春。江淮驛使時時有，真惜平安寄字頻。

題表弟李圭仲都春亭

軒窗虛敞北山河，樂與人同意若何。寧羨謝公遊別墅，要知邵子寄行窩。幽花野草長時好，麗日祥風此處多。三十六宮奈得透冰霜，國裡有陽和。

題康山董蕙林秀野亭

鷹鵠山前隱者誰，亭名秀野欲何爲。想懷迂叟園中景，更愛坡仙座上詩。棋局酒樽娛永日，花香竹色礙當時。願言且應賢良詔，獨樂規模未肯遲。

次韻補漁溪禱年自壽四詩

少日書窓憶共燈
龐眉今見動星辰
清博滿祝千年壽
好景長逢二月春
未許空山甘習隱
正須昭代勇求伸
丈夫出處閑時
運願學礪溪把釣人

尺教生旦占芳辰
歲歲稱觴并賞春
好古定如彭祖壽
處常何害啟期貧
文章經濟需時用
德業增崇喜日新
能叙天倫真樂事
此心堪與太初隣

小娃唱酒笑盈凸
蒲勸溪翁要盡杯
天上雙星今並現
庭前百卉爲爭開
朱顏綠鬢何曾老
白兔黃鸝總任催
一歲一時吟幾許
多君唸典更悠哉

錢龜何術歷商周
想見神仙似可求
公獨吟詩追李杜
人多頌德比巢由
四時佳興常同樂
一点靈臺不着愁
滿眼昇孫稱壽處
細聽絃管按梁州

次李漁溪元日韻

正元頒歷喜重中四海蒼生頌聖神
道友共迎天鵬節醉翁且酌洞庭春
痴兒驕女羅稱壽萬戶千門各展新
爐薰一炷試年封風從火出得家人

次漁溪翁二月初八日自壽

傳家道德出玄元宜爾雲仍盡永年
我獨謂君仁者壽君應笑我老而傳
陶鎔性情歸吟嘯涵養精神付醉眠
甚欲相從談至理春風吹袂未能前

連日醉

花嬌過了又清明連日壺觴醉未醒
不惜爲春頻載酒一樽誰與酌劉伶

坐雨書悶

春光走過三分二風雨未停花事休百計浮生無一遂鬢絲空
白令人愁

上己日遣悶

虛齋痴点蠹書蠅事與心違每日慙兩雨髮雪霜逾七十一春風
雨又重參桑田海水驚頻見世態人情歎飽諳但願無愁長有
酒摘蔬留客共清談

送余見大赴婺州知事

郵亭折柳洒清風自送征排過浙東萱草棠陰知子貴蓮花池
上見儒道婺州六縣生民富三洞雙溪勝景同幕府日長文牘
淨尺書謾可寄飛鴻

縣丞趙彥昇到都點義倉

山縣人稠復少田每憂飢饉願豐年因陳猶恐蒼生苦委積臧

歌二令賢力作老農心
眷七筆耕寒士腹便七太平已兆隆車
輛斗米行看價十錢

病脚遣懷

年來多病少良醫
右臂痛酸左脚肥
睡起眼花無處著
坐看雙燕引雛飛

病後二首

瘦筇扶憊步閑庭
靜看人間節物更
乳燕欲飛梅雨歇
新蟬初蛻柳風清
光陰荏苒堪長嘆
鬚髮蒼浪無一成
唯有麴生能解事
一樽呼爲拔愁城

頭童而皺百無心
笑看兒童身外身
喫飯頗能師慧海
釣魚尚擬學玄真
夢中故舊半爲鬼
病後光陰倍慘神
多謝天公相料理
勝將風月賜閒人

六月旱市中斷屠求雨時斷事官過連日迎神惟起風少
七屠家遭火

赤烏啣火噴長空苗槁泉枯旱蘊隆辨獄曾無御史雨遊臺惟
有大王風血泥聞已塗牛背餅水行將滴馬駿病渴老農飢更
渴望雲跪拜乞年豐

禱雨雷溪并銀潭投詩

石爲庭戶水爲宮雲出寒潭卽感通千里中間遍惠澤四方上
下仰神功應憐后土成龜圻願賜天瓢駿滴馬鑿此遠來躬禱
意豐年只在雨聲中

銀潭祀事

友藤觸熱禱銀潭石壁噴水氣寒乞雨農翁處化紙羨魚舟
子畏投竿典雲可翳遙天碧捲海能蘊大地乾此說舊聞今未

見隨流立到日西殘

次韻汪時懋見教

結交平昔恥迎逢老去深慙鼠技窮
子負三餘荒舊業常懷二寶想遺風
清新俊逸多佳句遊息藏修有倍功
喜子妙齡能下問五千文字在胸中

次韻汪會章見訪韻二首 即時懋之兄

一見論文若飲醇風神閑逸正青春
讀書所貴能行道進德何疑不潤身
夜聽芳鷄應起舞時來尺蠖可恥伸
雲霄騰在康莊路莫向長沮更問津

星源僅隔一帆風我屋溪南自固窮
有味詩書藏斷簡無情日月轉飛蓬
孔門深羨二三子丁夢空懷十八公
少壯蹉跎今潦倒悶看青鏡笑頭童

七夕

晒書可笑人宜笑乞巧何爲我弗爲志怪不堪賢者道傳疑空
使後生疑

汪葆先用其二子二詩韻見寄次謝 三首

世間言行孰疵醇且可光塵渾作春得中曾知非爾力納交常
欲省吾身慙來呼酒一消遣病起搯笻屣欠伸三復贈詩如啖
蔗甘香滿口齒生津

君家父子古人風詩禮趨庭意未窮俯仰真堪比喬梓飄浮那
自嘆萍蓬河汾講習文中子洙泗遊觀太史公來學誰懷今不
古紛七却笑我求童

星源簪盞亦奇逢客裡情懷吐莫窮深厭軟塵忙送日小聆雄
論坐生風箕裘有喜能傳頤筆硯何憂不策功歲晚儻閑迂杖

履白書隨步過山中

慶表弟李敬軒舉孫次夏德明韻

鳳雛成翼卽埭桐英物天生秀氣鍾外宅定知會相宅阿翁應
喜是典宗松楸地勝流芳遠萱桂堂高布蔭重少長從渠來案
上詩書塗抹墨鴉濃

送早

皇天不雨五旬過焦捲秋郊幾處禾憂旱空思賦雲漢作霖安
得挽天河家貧口衆豈堪此年老病多將奈何歲晏忍飢猶細
事即今無計了催科

老去

老去形容殊可憎復憂身世等風燈焚香默坐絕無想對酒狂
歌久不能體倦常如行路客頭童自擬在家僧殘編闕罷又還

懶移眼看花一枕肱

梅雨次先芳弟韻

時有烹狗者隨爇火殃

赤日電雷豈震驚禱山祈水不勝情烹羔神已誅三厭霑慨天
應鑒一誠灯下簡編聞夜誦煙中蓑笠見晨耕老夫喜極不能
寐洗耳風簷坐達明

八月十四夜

揆余初度近中炷多病情懷少自由時事偶逢隣叟話年光祗
益老夫愁仰天攀桂獨吟嘯邀月舉杯虛獻酬明夜陰晴難預
卜且須乘興上南樓

中秋夕雨獨坐感懷

良辰秋序已平分風雨淒其老病身萬里空瞻今夕月一樽滯
酌昔年人挑燈顧影惟吾我展席幽懷誰主賓憶昨歡遊無復

夢通聞驚鼓獨沾巾

次西園兄九月初四日八十自壽韻

樓居倚山環翠光鷄栖豚栅墻下桑芝蘭滿眼翁八十衣帛食
肉與世忘清晨裹頭卽戴句邀賓洗足閑中忙霜眉雪髮壽者
相善書安得來長庚持觴清興黃花約百歲此會同徜徉

補賀表弟李敬軒甲戌五月六十自壽韻

榴花滿眼照顏童六十靖初見此翁詩學仙風來李白禮如賓
敬媿梁鴻山河特展四方志歲月敢催雙鬢蓬清曉彩衣羅獻
頌錦心綉口角文雄

又次乙亥年自壽韻 父號梅谷漢李充字天遜八十

賜几杖唐李公錄號龍眠居士

醉抱南薰理舜絃秀眉碧眼髮微直愛梅結子期調鼎學易知

君欲體乾幾杖徐頰看人遼畫圖寧爲起龍眠花甲重數爭傳
誦傳永新詩第一聯

又次丙午年自壽韻 潛壁厓墩皆行樂之所

寸晷分陰背浪拋去年花甲喜重交時臨潛壁閑垂釣又傍厓
墩小結茅大厦棟梁方擇木巨川舟楫製扶梢莫言出處謀痕
鶴瑟柱由來不可膠

題表弟李文遠泛舟由浙之淮贈言手卷

數幅蒲帆萬里天而翁猶記昔乘船江山訝子遠遊晚風月要
人佳句傳右手酒杯堪屬客枯腸茶碗可通仙朕纒莫念楊州
好瓦望燕都更著鞭

李仁鄉六十 由邑來文潏李漁溪宅開宴會族濕翁賦

詩爲壽韻仁鄉有疑遠棧漁溪凌雲閣仁鄉子名

晤語他時不隔旬同鄉今作異鄉人行年喜見花甲滿稱壽爭
誇族誼浮嶽秀棲虛風日美凌雲閣聚笑談新名駒良驥紛相
逐爭似君家一角麟

風飄衫佩出崎嶇舊里看山一柱頤頭上雪霜綠日省城南松
柏動時思仁聲仁聞誰能似公事公言每合宜洛社耆英咸燕
集不妨馳驛學當時

十月望滕惺厓與朱正祖來吾里秋堂弟德誠相與携酒泛
舟共遊扶余高歌猛飲一女之歡自壬戌至是又十五年
秋堂弟用惺厓前一日詩韻有賦醉中次韻口占五首

晚上扁舟待月來主人携酒笑顏開醉中不覺乾坤小藐視江
湖一瀉盃

其二

天濶風清拂面來
玉盤推上碧雲開
舟中主客皆豪士
左手持螯右手杯

其三

赤壁江山眼底來
風清月白鬪圖開
酒船況有二佳客
只欠坡仙共舉杯

其四

十五年間今再來
摩挲老眼向天開
一樽唱罷酌江月
月滿長空酒滿杯

其五

三更風露未歸來
萬頃玻璃一棹開
此景此宵湏痛飲
莫教明月笑空杯

壽李鶴山省尊八十掌李氏旗譜

燕山盤谷想同宗萬葉分根譜可通禮貌真成壽者相衣冠獨
振古人風行年八十鬢猶錄在三千桃未紅滿眼兒孫羅慶
壽筵圍香袖唱玲瓏

題李敬軒壽燕山浩七歌手卷

嵐山大椿一株老山上雲煙夢瑤草仙翁鳳笙奏音好天風吹
下蓬萊島

題王愚泉先生山居圖後六言

景物輞川圖畫衣冠洛社人家晚徑偶逢樵子春溪惟見桃花

輓李左軒巡檢

操梅思竹轉傷神眼見君家六世春誼重願行前輩事交深常
嘆懶翁貧年飢樂施綠憂國仕達懷歸爲報親異姓弟昆猶骨

詞九原無術起斯人

每到君家喜不勝
聞雞起舜惜分陰
連床猶記寒添被
脫帽交憐雪滿簪
孤矢四方空有志
膏肓二豎獨何心
英標浩氣今安在
雲暗青山一塢深

華屋重樓氣象准
荆花棠棣照青江
堪嗟喪子無天道
尚喜生孫有祖風
神笏傳家黃紙任
雲烟閣筆錦囊空
追懷往事直如夢
泣送輻車到殯宮

次淮南丁巡檢司空山收聞有感韻

懸高據險不回首
枉使空山草木愁
長由自作孽與戎那
識爾能侯蓄巢掃迹
寒烟慘新鬼號冤
夕照收想得經行
懷感虛腥塵飛逐馬
秋秋

十一月十九日壽聖寺修亡筆忌辰齋題經簿

哀絃今已絕荏苒今五年長夜不復曉缺月雖再圓往往夢見
之笑語猶生前爰歲西方教更結來世緣猷花陳菲共酌酒燒
紙錢無言但頂禮老淚如併泉

哭見大余知事發州柩歸

送君寶婺泛蓮池得疾無書遠不知千里白雲今斷望兩封黃
紙竟奚爲鄉閭聚話傳函問男女悲啼憶去時垂屋未完官未
滿忍看歸旆淚交頤

大江東代送婺源知州于壽道

古來賢士不虛聞今恨聞名未識君見說讀書仍讀律想知能
武更能文指揮白戰師行令撥發清談酒策勳異日巍冠坐重
席滿朝驚是舊將軍

題機上燕石藁

儒墨奈通舊夢休師今爲學願相伴乾坤清氣不輕與湖海名
山任散遊吟咏正須隨意作品題何事用心求試煩說向翻經
石縱不能言定點頭

春日

園林錦綺鳥笙篴雲淡風輕日漸長燕子忽來如有約海棠堪
憾是無香婆婆老眼看塵世陶寫幽情付錦囊莫笑懶翁貧自
樂典衣沽酒賞春光

晚春

白髮龍鍾一病身落花時節每傷神情懷盡日如中酒風雨連
宵不惜春蜀鳥啼催行路客吳鷺眠待採桑人打門又報催社
動空想桃源路口鄰

聞鵲

舜禹由來幾帝王，可憐巴蜀一偏方。古今興廢尋常事，莫向春風啼斷腸。

次李盧溪自壽韻

捧觥饗唱最高樓，紅紫粧春佐獻酬。醉頗談玄揮麈尾，閑聊垂餌釣槎頭。溪聲山色助佳興，月姐風姨憶舊遊。牢記明年慶稀，有不能潦倒爲君晉。

萬事無心

萬事無心一榻安，松陰繞屋鳥關關。生來辛苦惟因懶，老大光陰但覓閑。一介長鬚并赤腳，幾人白髮更蒼顏。晨興掃地焚香坐，讀了殘書又看山。

春歸

開了荼蘼春又歸，多情楊柳尚依依。落花滿地綠陰靜，杜宇一

聲啼夕暉

榴花

海榴花發照庭除
雨皺紅巾色不渝
看取秋來風露飽
錦苞香綻漏明珠

次前峯弟喜雨韻

五雨十風歲難常
老却農家几處秧
郊外豚蹄方致禱
雲間烏啄已吞光
平疇漠々欣沾足
高廩陳陳競發藏
一飽可期憂者樂
應憐亢旱轉咸康

莫道天公失守常
入霏無雨可分秧
雲隨雷電溶々起
水滿陂塘澗々光
佇見太平歌既醉
因占大有論歸藏
田翁釋耒交相慶
從此浮生汜小康

次韻前峰感時

時有免稅之虛傳而徵金甚急

水旱歲糶見飢寒民不禁廢餐忘日是無寐到更深寧免一分
粥惟微十色金太平如可待爾我酒同斟

傷齒髮

齒豁僅存半髮稀將及無減食如得道脫帽似非儒
鬢露語音舛以寒形貌癯掉頭開口笑不是舊來吾

中秋有感

涼風颯上暮雲收銀漢橫空顯氣浮蟾影半窓留對酒虫聲四
壁伴唵秋追懷舊事泫如夢傳說新聞總是愁
庚與袁船誰詠賞早容拔桂小山幽

哭仲玉姪

每憶來過聚竹林携琴隨寓有知音家貧親老不待養命薄兒
痴但苦吟造物忍教書種絕醫師無奈病根深撫棺一慟西風

惡黃柏青山千古今

哭碧山兄

鄉黨人人頌碧山堪憐一疾竟難安阿奴未娶將何怙老孺持
家良獨難治命頗聞前日語遺編應付後人看舍君尚有幾兄
弟念此淒然淚潏潏

九日小雨

滿城風雨只添愁病怯新寒早著裘總任黃花欺白髮莫教濁
酒負清秋故人多已乘雲去老我猶能策杖遊醉看茱萸開口
笑龍山落帽爲風流

季真入關刊易回途有紀行廿三詩索和次韻初程宿同
文書院書市寓居張梅溪推官初創十移置宋清士魏
菊庄墓前

早宿清虛去未遲，仰看墓側老松枝。世間萬事皆塵土，番得清名獨有詩。

次程宿麻沙市張尾店 西關外朱文公墓門東關外蔡

久軒墓門

西坐東墓各依然，地下修文得大賢。道學復明俾後世，返魂無術起長眠。

三程宿藍橋程店 次官比有故官廡公舊宅已頽歸而

同舟桂花盤院

故家喬木日荒虓，猶有西風古桂香。墓宿藍橋仙世界，瓊漿分得與君嘗。

四程宿早歸口

早早歸來今始歸，冥行常恐岐路非。家山千里白雲外，閑向秋

前認少微

五程宿白岩前張店 是日從九曲村橫過即桑麻雨露

見平川之所

武夷山水洗塵泥追憶前遊意轉迷安得攸交來勸解筆床茶
鼎又同攜

壬子四月季真與管景仁汪海雲共遊九曲

客舍詩風起夕涼村醪未買斗先嘗鳥啼花落魚遊泳雲滿仙
峯水滿塘

六程宿石雄 連日山行方達駟道回望武夷山已在三
十里之外

尚行連日看山青嘉達康衢墓問程回首慢亭猶在望但聞流
水不聞鶯

又 陳灣波乃趙滿願知崇安時開築溉田數十畝人受

其利

灌田豬水歲年深流澤農家樂有今豆飯芋羹興感慨不知翟
子獨何心

又 陳灣坡水衝石雄爲害延祐中劉濟川爲令置閘束
水民名之曰濟川閘王中和張瑞本要以儒治民舉陳
子靈爲仙居令時訟之語令置粉壁

南嶺巖欽去路賤解裝湏有酒人家詩成却喜雨初歇定宿教
從日未斜

八程宿鳥名

分水題詩想惜過地形筆勢兩嵯峨合同分異誰能道後代詞
人柰此何

又張德庸連日同行是早別去

同行連日忽分羣目送飛鴻帶斷雲
意氣相投那忍別只憑清夢去尋君

九程宿豐溪市 辛稼軒詞中云陳同父自東陽來晉十

日約文公于紫溪不至遂飄然東歸

先賢往事愴回眸空想當年約共遊
朱子不來陳又去紫溪遺憾復何求

又來上舖過辛稼軒墓門傳呼爲虎頭門甚雄奉題

人物詞華一代豪墓門人比虎頭高
想知泉下無窮恨惜不生時與世遭

又望鷺湖山宗文書院即朱陳辨無極太極之所

天心圓月印清湖似畫簾溪太極圖寄語陳君休固辨更須點

易細研珠

十程宿鉛山大義橋北橋畔有高塔

何年大義扁長橋橋畔浮圖插碧霄彼自異端若莫問掉頭送
目過林標

十一程宿泃口

泃口奔湍水勢雄始爲舟楫方誰功流行坎止誰能識直可乘
槎與海通

十二程過了老宿西洋橋南

石壁巖岬山澗幽雙鬟露立不梳頭天荒地老無人聘辜負光
陰度幾秋

又時弋陽西洋大旱

旱火燒空莫救災西洋袁鳥尙聲袁誰能一挽天河水化作豐

年亦壯哉

十三程宿黃沙源人言嶺上有虎

猛虎聲高愴客情人言早晚莫輕行黃沙漸近銀峯境何惜分
爲數日程

十四程宿萬竹

翠嶽青山遶曲溪瘦筇千笠自提携萬村景物醒人眼準擬吟
詩醉復題

又店家米甚艱

登程日日竟朝曛又宿荒村野水濱渴思飢腸誰解事且安茅
店一宵貧

十五程宿界田渡南如在家鄉

挑書屢險復窮原秋晚歸來刈紙田穉子侯門童僕喜黃花籬

下一尚然

季真刊周易會通成賦詩甚喜次韻

此易刊成豈偶然
懸予坐井敢談天
羲皇始畫成八卦
孔聖猶云假
數年至著至微
當默識已形已見
可言傳會通兩字
標題穩此易刊成豈偶然

次季真聽喜花畦菜圃皆有生意

夜聽風雨助秋聲
籬菊應花菜發萌
疎滌詩腸醒酒眼
天公端不負書生

紀夢

空木中人喚不磨
衣衾可想冷如水
若爲却入夜來夢
熾火圍爐自剔燿

元日試筆

明隴鷄聲喚曉眠兒童開戶喜晴天試看元日到人日己卜新年勝舊年竹屋梅花春意動地爐滑拙冷灰然老懷無復浮榮
憂但覺安閑直萬錢

對梅

雪月園林烟水村
此老隨處有精神
孤根早識乾坤意
一白盡傾紅紫春
伴我歲寒直益友
對渠夜永此幽人
煮花搜句兩清絕
慎勿金樽唱絳唇

次韻鏡塘弟居淮見寄

幾度修書繫釣絲
水寒潛鯉不吞書
殊鄉音問去豕久
老境情懷與世疎
化俗無才空守拙
安貧何事更求餘
平生獨羨陶元亮
環堵蕭然自晏如

東風吹柳綠絲絲
羅我險詩答遠書千里
江山惟夢到百年兄

躬肯情疎修身務在心先正積德應知慶有餘窮達昔人前後
事臨邛誰復識相如

寄李用勉

落盡梅花不見君吟殘雲樹每馳神愁听枕上五更雨病過山
中二月春

松花

梅花頃我竟無詩我語梅花不是遲自是幽姿難着筆臨風空
搯數莖髭

次李漁溪七十自壽二月八日

春風番客雨如絲白髮相看七十宜仙李纒根今已大蟠桃結
實未妨遲丹能養志還有酒人喜解頰問說詩嬾我三年空自
長可曾馳驛效當時

次韻可大書齋見教

吾儕道術欲相忘，苦口忠言意最長。
白髮尚懷前輩事，青春須勉後生忙。
切牆或可得門入，美玉誰云韞匱藏。
行不掩言深所戒，聖門千古議琴張。

又次可大與雪遠韻

名駒出廐電光馳，今見吾宗有阿宜。
讀究書中千載意，吟輕酒後百篇詩。
少年蟾窟期攀桂，它日商岩又采芝。
喜甚諸生陪講下，時聞切七與偲七。

次李漁溪留別韻

君似長松我兔絲，交情耐久每隨宜。
兒童競欲捧觴滿車馬，又僅行道運壽且勝遊。
知避俗芳辰嘉會喜歌詩，尚期去伴烟波釣。
二老風流自一時。

戲和茶蘼詩寄德成姓有姪名茶蘼

茶蘼滿架近中堂時引帝觴對孟光天遣風梳仍雨沐花藏蝶
粉閒蜂黃閉門直欲留春住排闥何妨入麝香好作欄杆遮護
取待儂携酒賞餘芳

社日赴汪堯卿招醉歸

鄰翁邀我飲治髻破帽簪花分雨紅兒子扶肩孫捉臂歸來齊
笑醉籠東

表姪李慶以和書齋

好學希顏怒不遷況今志學似當年光陰分寸真堪惜行健須
知合體天

慶祐十二叔六十 四月初九日先受恩帛

雨栢岩花爲駐春遙瞻南北烟星辰雪山昨月初成佛嵩嶽今

朝又降神扶老策，需鳩杖賜披。恩衣賁鹿裘，新聞中口授。係諸業白髮，吾宗第一人。

李注噉偕季如恬塢相地構祠二首

母也兄兮合一阡，蒼梧櫬已森然。封如馬鬣，今猶古山似。降腰斷復連相地，楸栢多白石呼天。酌酒酌黃泉，菅荆思義知。能報春雨秋霜無盡年。

迢遞青山堆復堆，墳前石徑一河生。苔每懷噬指心，爲動空想吹墳日。屢回風木符悲憐，手植露花如泣。向誰開勸君，着意崇華表。待看他年化鶴來。

表弟李匡噉流源庵薦誠梅谷表叔墓

陰地良由心地寬，鉅公銘墓更書丹。流芳賸衍詩書澤，追遠難

忘厥水歡位監一。錫黃十並忍行半。揚白雲寒山靈行護豈陳

在別與來拜世世看

初夏即景

雨過雲收水滿塘
遠山如畫列門牆
偶聽啼鳥綠陰靜
閒數落花清晝長

閑中首尾吟一首

頭童真似在家僧
半隱蒲團山杖藤
孝義常談如說法
貪嗔已悟未傳燈
困眠飢飯百無想
痛飲狂歌一不能
故舊相逢應共笑
頭童真似在家僧

端午日

綵舟圓鼓寂無聲
綠醑香蒲賸有情
佳節莫教容易過
醉餘吟得一詩成

清庵李簿來訪去坐上贈別

昨夜燈花著意開，遙知定有可人來。
曲肱正欲枕清書，舉趾俄聞步綠苔。
兩笠每懷春喚渡，宵丹長泛夜啣杯。
笑談未了又還別，從此相逢可幾回。

晉觀碧亭有感

翫碧亭中好山水，尤山色歸隱几。
仙翁乘鶴去不還，知復何香來洗髓。

寺足遺懷

瘦藤攜屐步蹒跚，獨對山青不厭看。
無術賴貧求点鉄，有方延壽可燒丹。
比窻高卧輪陶令，別墅清談仰謝安。
世故老人何處避，一盃聊喜醉鄉寬。

元懶翁詩集卷之十一終

元愼翁詩集卷之下

克念堂藏本

裔孫占魁丕承刊訂

裔孫

昌期月垣

同校

昌瀚海峰

上婺源宋同知告伐墓木一首

星溪州去萬山間
佐治欣逢舉五官
早策鷄窻稽古力
將峨豸角入朝冠
文章政事四方仰
雨露風霜百姓安
鄰邑諸生慙老病
願聞一語振儒酸

數畝青山土一邱
昔年親手植松楸
坡南芻牧嗟難禁
泉下神魂想亦愁
鹿死天應憐許子
栢枯人尚說王裒
嚴明賴有君侯在
未訴畏情淚已流

元愼翁詩集

卷下

一

克念堂

上婺源陳州判

功名事業早相催，職判聊淹濟世才。
風鑑高僧深敬嘆，沙籠宰相尚遲回。
掃除一望志安在，唵咏萬山心自開。
獨把詩書明教化，文星昨夜見三台。

吾親藏骨亂山中，豈說人間馬鬣封。
恐墜藻蘋傳後裔，況無冠蓋振寒宗。
斧斤不貸城庖箔，霜雪空懷嶺上松。
願借片言波及沒，他年結草會相逢。

挽江山東

壯懷未展謝浮榮，華屋光陰恨未平。
頗有諸郎知爲已，獨懷老友嘆同庚。
青山永閉百年夢，丹旆高標萬古名。
善行可傳宜有述，會看椽筆爲君銘。

余祐叟以瓦盆植蓮盆放季直借韓公盆池五絕韻賦詩

因次韻

紅蓮若遣比紅兒，勺水滋培易滿池。因憶筆鋒窺玉井，開花十
丈正同時。盆內移根一，一生眼前雲錦出。天成夜闌風動翻荷
露，似聽蓮花漏水聲。盆池不限遠，香清君子花中獨。得名應笑
西湖五六月，畫船載妓繞堤行。瓦盆貯水強名池，數朵芙蓉蝶
未知。夜來雨聲聞打葉，栖禽夢起呼雌紅。芳翠蓋出泥膏時，
復添泉汲小瓶。日晚水涼花影動，魚兒喁口吐浮星。

秋夜

蛩聲四壁自吟秋，老景逢時易得愁。不慣圍棋番別墅，且同玩
月上南樓。天風萬里香丹桂，野水一灣間白鷗。景物年年只如
此，流光偏解白人頭。

閏八月十四夜有感

老桂重開不盡秋一樽邀月強消愁先生尚有數間屋餘子何
慙百尺樓擾七塵埃飛野馬悠七烟水愧沙鷗傷心陳迹人何
在空倚西風吟白頭

十五夜無月

生來四見閨中妖我老
醞勸幾度愁但願有田多種玉豈因無
月不登樓爲誰搗葉空瞻兔與我忘機獨對鷗今夕陰晴千里
共閑水調唱歌頭

次可人昆季用前韻見壽

門人亦復有閑忙客至談詩人醉鄉
患爲有身聞李耳食伶無
齒笑張蒼十年遊賞今安在佳節清
明倍勝常獨對麴生忘老
態桂花香裡坐飛觴

次省與見壽韻

烏兔無情日夕忙，心慙出入不之鄉。追尋往事憶前輩，檢點行年問彼蒼。已陪勇爲天所惡，因知貧乃士之常。與君各願身強健，時復相從共一觴。

次季真見壽季直八月廿日生與其故內同月日其長子廿一日生其妾復有子

生來多爲著書忙，孤帔同辰前。一鄉造物不教頭，其白騷翁獨喜鬢。猶蒼自期誦，伏學高標誰復犯。齋窺太常，願對秋光莫惆悵。明朝桂子又稱觴。

寄清庵李簿用夏間送別韻時汪叔志府推晉彼

別後岩花秋再開，音書不寄鴈空來。謨言在耳如投藥，轍迹當門已長苔。鷄黍尚期重命駕，蟹螯應得共持杯。聞君座有江南客，風月清談几日回。

九日悼亡

憶昔重陽病起床，老妻扶我步中堂。
把萸採菊笑分插，酌酒烹鷄勸共嘗。
千載光陰愁易邁，百年伉儷老難忘。
傷心往事今何問，和淚看花欲斷腸。

九日病中再賦

匆匆又遇一重陽，孤負寒花冒雨黃。
竹葉相看無分飲，茱萸空插滿頭香。
愁知抱病憐工部，怯登高愧長房。
古往今來多少恨，縱饒酹亦悽涼。

次汪叔志推官九日登中平四面山望祖墓松楸有感

遙峯四面貼天青，晴嵐煖翠如畫屏。
樵兒斧斤亦罕到，逸士足跡何曾經。
上摩穹蒼蒼羣岫，下視渤海杯四溟。
良辰登高興不淺，策杖携酒板林扃。
乾坤為里醉眼豁，寒日未晚猶亭七那容。

餘子誠佳趣，會有太史名。信星松楸喬鬱，遠在望俗，駕豈許驚。
山靈歸來傷今復，懷古長吟，感慨還丁。正落英可餐，花可採，陶
令自醉，屈自醒，一醒一醉，各有見，千載名節光餘齡。

初冬

茅屋經年綠水涯，柴門終日白雲遮。霜林迎曉亂飛葉，寒菊辭
枝小，竹花遺興有詩初。脫稿沈愁無酒只烹茶，漁樵路熟渾相
識，盡道松間處士家。

吾廬

裘馬輕肥總任渠，誰知吾自愛吾廬。好山當戶雲描畫，落葉滿
堦風掃除。醉裡呼童歌酒頌，病間留客看醫書。身閑時赴吟翁
約，布襪青鞋步當輿。

霜曉枕上

荒鷄亂唱月將上野確獨春天欲明
蚕婦尙期三白足農家臘
喜一冬晴

長至

葭管陽回緝室律梅花香逗故園春
朝來雲物人人見此去天
時日日新

雪意

勝六尚量雪意深閉門痴坐
誰隣梅花獨帶春風面一笑相
看似故人

次孟子玉同監見和車字韻

清流那肯入污渠未忍淵明早結廬
且付一身隨用舍從知萬
事有乘除需時有子猶藏玉好古逢人
但說書莫爲飢寒變操

寄題李北窻碧閣亭

碧山碧水照虛窻，心境俱閑日月長。
莫語俗流渠不識，白鷗波上笑人忙。

題王簿申澹翁爲一翁和尚作春梅一枝二首

此翁胸次有奇梅，化白爲玄淨土開。
欲識本來真面目，慎無以色見如來。

其二

老樹孤根花雨三，春風隨筆到枝南。
世間那得梅花黑，淨洗眼塵方許參。

李漁濱來訪二月八日是日誕辰是年七十一妾近有子
柴扉小雨駐高軒，回首春風又一年。
至道老中誰姓李，長安市上自稱仙。
雪眉霜鬢有奇相，姹女嬰兒得秘傳。
何日就公聞所

未酒帝傾倒百花前

次韻李漁溪紀年自壽

貌古顏蒼山澤癯宛如五老對香爐要知渭水今漁父即是高
陽舊酒徒四韻紀年吟寡和一樽稱壽笑相呼投閒無復功名
念滿種青桑八百株

春分日雨

風雨消磨一半春桃花亂落更愁人若爲長挽東君住萬紫千
紅日日新

百舌

被頭百舌鬧春晴變轉聲音語不停安得禽中有譯史爲渠翻
說與人聽

清明雨

時遠子晉所未歸

子規啼血又清明病起支身獨起行
愁見舊徒僧役事夢魂遊
子計歸程禁煙門巷梨花老
積雨池塘春草生引睇松楸遙洒
淚裂錢匱待十分晴

梅雨書悶

溽溽蒸人未出櫺
湧泉迸地又生苔
溪橋水斷無人到
靜聽松風挾雨來

朱伯昇 母湯氏孺挽章

樂饌實親克相夫
從違管母事如姑
一身五福城中罕
二千諸孫眼底無
孝行宜書節婦傳
精神已寫壽星圖
升堂展拜今安得
泣送輻車淚欲枯

迎貓

山房飢鼠黠難驅
作意迎貓飯有魚
莫笑懶翁倉粟少
只煩卧

雙案頭書

李用勉見和迎猶二首

能窮鼠穴更長驅一掃應無漏網魚
同乳爲妖誰表瑞偉哉祐甫坐中書

反常妖物孰能驅且難逃一史魚
鼠若真頑猶失職佇着田字看朱書

燈花

一染燈花喜報誰老來長是皺雙眉
只應明日有佳客來伴清吟得句奇

暮春

忽見東皇整去鞭鶯聲燕訴共凄然
可憐京兆止五日安得尅君留一年
飛絮落英溪上綠陰芳草雨餘天
此時情緒無人

識獨立柴門聽杜鵑

聞前峯納妾時七十五歲作詩以戲之 乃姪娶其妹
遙憐藕絲恨嫦娥夢斷巫山可奈何陳迹傷心增承嘆孤灯顧
影獨長哦喬公二女壻皆傑于野高年君未多見說青奴妬無
忌熱中堪嘆是湯婆

送祝壽明子顯夫赴東陽教諭

東陽山水喜逢君振鐸講宮表士林坐講五經陳古道閒唸八
咏問青衿不求溫飽平生志訣取功名壯歲心佇聽浙人歌化
雨歌聲莫徹九重深

題李圭仲觀瀾樓

文溪七水清且閑卷樓臨水題觀瀾窻戶青紅映潭影棟宇突
兀崢雲端良辰領客共登覽搜斂萬象任凭欄夕陽西下月東

出眼界無盡天地寬

我昔泛舟泊海島風濤洶湧蛟鱉蟠又嘗倚棹錢塘上怒潮捲
雪如滾石舊遊可想不可到白髮垂頰老儒冠滿帆蘭漿時入
夢兀坐每嘆行路難

何如倭前雙瀾合新注不動鳧鷖安源頭活七晝復夜往過來
續相盤桓浴沂無分逐童冠天光雲淡祗遙看願言就君借手
席夢回洗耳聽湍七

次韻李漁溪見壽 時留文水

昔兒時共學仙白頭猶想洞中天酒杯笑我養生拙棋局鏡
渠用智圓丹桂分秋香此夕黃楊逢閏厄今年漁翁又問桃源
路昭代應無避世賢

漁翁真似地行仙，萬事無心自樂天。
人事期君千歲滿，蟾光隨客十分圓。
釣竿臨水聊娛日，詩案如山爲紀年。
應嘆豪家積金壁，爭如教子學先賢。

謝李敬齋昆仲見晉生旦是日齋

孤矢照情兩鬢蒼，又看秋水對秋光。
共觀今夕月千里，遙想故人天一方。
詩裡蓼莪誰慶誦，岩邊丹桂自飄香。
君家羣從俱英俊，博酒相忘意正長。

次韻謝敬齋昆仲

昔在君家溪上扉，生朝祖母喜開眉。
每呼後輩語前菴，無爲今日異舊時。
秋半來遊驚潦倒，詩成提起重懷思。
歲寒心事知誰會，惟有冰霜竹外枝。

次韻謝北窻見壽

鬢髮俄驚白髮生，相看每念舊時情。同心不比面朋友，異姓真如親弟兄。撫景興懷嗟世換，脫巾露頂挹秋清。君詩貺我發天趣，艱和寧辭飲壽觥。

次韻謝東閣李兄見壽

浮生如寄等萍蓬，得意生時在此中。人事要看三日別，月明應喜一樽同。溪山可畫非塵世，意氣相投有古風。總任龍鍾雙鬢雪，兒童嘆指似臯翁。

次韻謝李圭仲表弟用厓墩韻見壽

幾處松間白板扉，遠山在望拂修眉。家中應數月圓夜，客裡正逢秋半時。百歲蹉跎空足賀，一樽醅酌復何思。夢中悞似南飛鵲，相逐西風遶樹枝。

雲樓書棟響風扉，舞榭庭窗翳兩眉。豈但娛親若萊子，更能好
客似當時。重來不覺往經日，一去曾知欠再思。生旦酒酣深有
愧，天香吹老桂花枝。

晁德明用厓墩韻見壽是月二十二日又德明五十壽旦
主人堅留因次韻以謝以慶

未扣鐘山隱古扉，毋從文水覓芝眉。詩書滿腹幾千卷，富貴行
年此一時。樞宿傘纏輝，夜永槐花桂子動秋思。主賓盡美交相
慶，我亦巴歌當竹枝。

鄒元善諸君偕和因再用前韻

登高直擬摘虛危，雲氣侵人步亦隨。三徑就荒陶令菊，重陽獨
酌杜陵詩。青山滿望連天遠，斜照催歸覓句遲。却恐西風吹酹
盃，脫巾先桂傍岩枝。

再用九日韻謝柳元善諸公

步躡崔嵬更造危，閑雲俗鳥亦相隨。俱因雅子共携酒，引得騷人競賦詩。風勁眼看帆去速，迥荒心恨菊開遲。陶辭勃記俱精妙，法取他年折桂枝。

次韻省吾見寄

與君儻隔一溪雲，幾度相從不忍分。何日德星重會合，清霄無眼看天文。

春雨

悲厭春霖久，袂愁夏日乾。願天憐下土，不遣老農曠。

送春

風光將別我，雨意更愁人。短褐獨攜酒，長亭共送春。

送清庵李主簿至程總鄉翫碧亭同飲而別

送客望云遠徘徊觀碧亭論文宗李白嗜酒性豪傑竹影印窗
綠山光入戶清臨別更攜手惆悵鬢星星

次韻前峯夏日

避暑一壺酒無人可共斟倚風朝脫帽迎月夜披襟竹樹柴門
僻破塘稍水深空吟雪藕句千載有遺音

悼文輔姪

人生老病死賢哲不能逃千載亦有盡學仙徒自勞所恨未聞
道牛死非吾曹今我猶恰子綠鬢無二毛奇才復多藝惜不與
時遭旦夕願見過陳誼俱雄豪俯視區宇中太山一秋毫七十
方及半兒幼親年高抱病僅兩日巫醫劇紛騷狂風摧敗葉漏
舫乘奔濤頽天跡乃壽此柄知誰操命也可奈何空木埋荒蒿
我老尚有淚七盡遂長號蕭條竹林下無其傾松醪

山居雜興十首其一

吾愛山居好柴門路屈盤秋聲開戶聽雲影倚闌看坐石評壺
案臨風把釣竿竹厨有石鼎煮茗更燒丹

其二

吾愛山居好閑中興味長山幽嵐氣潤溪迥水風涼林鳥啼書
案岩花落酒觴灑然忘物我清坐據胡床

其三

吾愛山居好風煙滿戶庭護香深炷火養氣默看經修竹過牆
綠迥山隔岸青夜闌時露坐_以認少微星

其四

吾愛山居好江塵事不知停杯看月上策杖逐雲移獨味有真
趣幽尋_其定期清晨戴烏帽野叟道相宜

吾愛山居好無營長道心知幾頻玩易得趣并忘琴樵斧響雲
外漁郎鳴夜深幽人有奇事寒菊滿園金

其六

吾愛山居好山深水復深月如入有約雲與我無心老石飽風
日喬松閱古今閑來無個事長笑更長吟

其七

吾愛山居好閑中悟養真淨來知有我事了豈尤人有酒時時
醉無花日日春寸心藏萬化誰謂懶翁貧

其八

山居吾所愛眼耳俗塵清古木蔭秋暑幽禽啼晚晴推窗延月
色歌枕爰溪聲頗有詩堪寫應知畫不成

其九

山居吾所愛盡日掩柴關酒趣帝觴外詩情水月間
夢隨莊蝶化身伴海鷗閒地僻交遊少漁樵共往還

其十

山居吾所愛草徑八沐幽鶯語一窻曉蛩吟四壁秋雲藏
沽酒舍水引釣魚舟此景無人共孤唼自掉頭

次可大春歸韻

雨餘乘小閑散步苔徑乾春來忍復去一晴無幾干
今辰始出三縱目天地寬隣叟頗淳朴杖屨相盤桓
時時送濁醪賒貧不作難人牛罕百歲人車鮮常歎
今年喜得子疑問時相奈不能蓬蒿宅從嘲首宿盤
兩交淡若水聞言臭若蘭嗟予負壯志明鏡差無看
青雲不復夢屬意上眉端詩書笑白髮寒暑歲易殘

隱居能行善千載傳安

勝星匡邀飲用元遺山韻次韻

少日慵力學光陰負三餘老矣空自悔聖遠時不俱君今舉大
斗洗我詩腸枯驚見古壘洗照映寒玉壺白眼駭俗子高談隘
塵區不羨萬戶侯底頭干丈奴安得長相從聞見世所無

久旱始雨

今令此夕均灑氣浮玉宇蕭七風色變鶴七雲容吐人多嘆無
月我猶欣得雨憶昔秋夏交救旱疲農父踏車取涸流抱甕涉
荒圃迎龍復禱神于旱竟無補何由免飢寒况望多黍稌乃知
天皇家風雲各有主及此一霽然童穉亦鼓舞相期拾秣穗作
醴報田祖

八月朔日蝕又報十六月蝕

天公如常人，有日斯可覩。日月晚，双眸晝夜視。下土朔既害，左
明由旦暗。至午右明，今復翳。幾使天公瞽，非是妖篡噬。食遽如
許我，七老雌無力。請持修月斧，乘風上九天。自造清虛府，收巖
剖其腹。剝暴剔肺腑，砍天並眼。明照見蒼生，苦蒼生覩清光。千
古復萬古。

月夜感舊

修短天應定，虧成我獨怡。夢殘雲亦散，愁絕月空圓。俯仰悲陳
迹，居諸慨逝川。孤燈耿虛室，照影若爲眠。

老子

老子從來懶，新來懶更痴。赴期多失約，坐話或移時。留客待沽
酒，呼童拜和詩。不嗔亦不笑，世事了無知。

燕山六博一樓老山中雲烟護瑤草仙翁鳳笙奏音好天風吹
下蓬萊島

題王愚泉先生山居後六言

具物輒川黼畫衣冠洛社人家晚逕偶逢樵子春溪惟見桃花
次季真詠余元芳盆蓮蓮之爲花也不以濯漣漪而逞顏
色不以出汙泥而感精神是知中通外直之君子而無
不自得其肯因盆池之隘而變其性哉盆蓮之盛去年
見于元芳尊人之祖居今年又見于東山令郎之酒館
余氏一門檀君子之花得騷人之詠市塵詎囑中乃有
此奇勝所宜採碧筒探雪藕草酒爲花賀而還以賀王
人未能也姑次韻以寄

乃翁分藕種清香我爲觀花得考詳綠水滿盆浮灑七紅塵照

陸閨央七若教解語添新恨勿謂含羞減艷粧擬選碧筒拚一
醉暫邀君子共逢場

下元日有感并引 壬戌既望係七月族間季真嘗爲倡
泛舟扶余效赤壁前遊十月之望僭緒次會月白風清
遊客甚樂時舟中酒饌皆山妻自授司膳者次序以進
俛仰之間今二十三年矣景是人非爲之堪感

昔棹扁舟野水涯帝觴與客笑開懷今無蘓婦能藏酒空想周
妻曼犯齋故舊寥七誰復在江山歷歷景徒佳不堪回首思前
事獨擁紅爐學打乖

詞

丹桂傲清黃花綵放。又承八月秋光。木公金母雲表現。寒芒知
是雙星降。瑞齊眉處。兩玉成行。交相勸六旬七秩。滿進紫霞觴。
吾家能有幾家庭。詩得壽而康。遇良辰好景。能解徜徉冷
眼。人間富貴。真堪笑。蟻戰螻忙。惟安樂。值錢無數。貧乃士之常。
如夢令 哭宗武姪

可惜有才堪用。可惜有言多中。可惜尙無兒。可惜無人傷如夢。
如夢。贏得一場乾。閱蹴踘琵琶。誰弄龍簫。鳳笙誰共。棋陸與誰。
娛。載酒高歌。誰從如夢。如夢哭數聲。相送。

念奴嬌 次徐雲山咏前峯圃中紫白牡丹

洛陽舊日牡丹時。滿眼霞光雲氣。姚魏名葩。無定價。一種下里
非貴。國色天生。歌臺舞榭。無限春風。意乾旋坤轉。後來誰與安
置。驚見小圃芳菲。紫金儕白玉移。從誰事。但願子孫長愛護。

何必選尤異金谷園中沉香亭北野卉空爭媚花神應笑韓山
真是兒戲

念奴嬌 慶潤叟兄六十時五月初十

慶君六十更高堂慈母八旬添二中饋賢能兕好學早折蟾宮
丹桂問舍求田談經說史體用兼名利芝蘭香滿眼前渾是生
意常心得黍同庚有偏親白髮又還相似獨愧吾豚犬耳干
里莫追騏驥但願萱松長春交映共看班衣戲良辰來往一樽
時復微醉

惜餘春慢 次王雱曉送春韻

涉景難留離懷添惡頰策金環腰褭花開花謝年去年來不覺
頭顱空老憶昔尋芳踏翠與客携壺酬歌連曉笑拈闌暗記輪

梅事一但詞賦情小 堪笑處都歸虛院故對春曉眼底驚人今

少落紅。幾陣濃綠。成陰。風絮飛亂。殘照最長。黃昏倚樓。杜宇數聲。空山林杪。把閑愁、馬上箋鸞。禿筆淡烟行草。

滿庭芳 李用勉九月廿一日生是年三十六敬次見壽

大白騎鯨子。英乘鯉蛟龍宮。久池中風雲變化。千里捲飛蓬。喜予今年六六。龍門浪豪氣。填胸綠何事。窮經稽古。林下伴山翁。似有稱壽處。江楓似染。離筵成叢。雙親未老。兄弟雍容。日共樽前一醉。從人笑我。早罷鍾。還能否。他時問道。相約訪崆峒。

念奴嬌 慶月悟宗長十月望日八十七時次舟遊番

江今次舟往星川鄉

番江一棹笑彈指。我是十月時事。月桂梧桐圓似鏡。好景年年相似。不住蒙山。復遊星水。默者神明衛。如今方應少時兒。額題字多少。利鎖名韁。豈知真樂在詩書。滋味笑對孟光。晉玉樹滿。

眼增前生意富貴浮雲光除過客有酒唯當醉十分總一莫言
彭祖無二

滿庭芳 慶潤叟族兄雙六十潤叟與予同庚時長似管
樂平州同幼似出贅方婦

結屋同鄉問宗同譜同年君似元芳六旬添一兩鬢未曾霜又
慶如賓內子花甲滿人比鴻光瑤池會蟠桃笑指待熟與卿嘗
諸郎俱俊傑不惟捲帳不當尋常探梅枝消息歸其迎長眉
考堂中舊夢重喚醒禮樂文章從看著金花紫誥證此滿庭芳
捉拍醜奴兒 借趙州之韻送春

鶯燕不須愁花落去春又歸休送春歸後還依舊長亭買酒短
亭買酒展放眉頭盍噓 更攜甌風日好是處堪遊醉來拍手

斜陽紅大兒捉拍小兒捉拍齊唱千秋

首夏雨水 寄德甫都監

春去越添愁，風又雨，愁幾時休。清和天氣偏無賴，南山雲起，北山雲起，漲溪頭。睡覺問茶甌，憶平時詩酒交遊。斷橋橋榭望空回首，詩仙何處，酒仙何處，一日三秋。

又

不管世間愁，陶元亮歸去來，休幅衣藜唱，渾無事東家歡飲。西家歡飲，醉見扶頭，名姓覆金甌，誰似我隨意閑遊。古槐新竹柴門，淨清陰滿戶，綠陰滿戶，隴麥登秋。

用前韻集古詞名賦答方鑑甫 時携幼妾在此

多鹿惹閑愁，眼兒媚別離難休。婦人嬌處，聲聲慢，畫堂春裡錦堂春裡，八寶粧頭。催拍唱金甌，願成雙，伴少年遊。傳言玉女傾盃，勸牡丹香裡，菱荷香裡，梧葉兒秋。

感皇恩慶方鑑甫都監生日 蘭溪人典史借生

五月十三六十

梅雨弄新晴。槐陰如洗。人在孤南瑞光裡。秀眉双鬢。試問行年。今幾把、羲經教子從頭起。蘭渚英才。鑑湖芳裔。泛綠依紅莫。渠比誰令。催稅借空山。臨水看除書。早晚催行李。

水調歌詞 慶潤叟庚兄七十有眉壽堂是歲小遠從其春似仲可讀

七十今親見。誰道古來稀。眉壽堂中笑語。稱壽喜齊眉。競說謝庭玉樹。而折蟾宮仙桂。酒斟老萊衣。還問瑤池會。桃熟正多時。未白頭。早身潤。更家肥。應憐小虎。同甲百步。久藏威多。幸吾兒豚犬得逐。若家騏驎。德業振書帷。試聽影水調。蒲玉泛金卮。

庭芳 代慶永平川嶽成六十

菴蘿秋芳梅緘春信稚點長月良辰香山千歲重見個中人况
是紫陽正派功名路平步青雲娛親好急流湧退川上整經綸
綬麟當此日花甲初滿舉案如賓喜過庭詩禮子又生孫只
恐安車聘名新袍笏催勸楓宸光華處歡呼載道爵齒德俱尊
滿庭芳 慶焯堂弟本生三月十五日

別墅鸞花行窩風日韶光正可人情仙翁海上騎鶴出蓬瀛甲
子從頭再數邀西毋共泛霞觥人爭看文星婺宿交映月輪明
家聲存積善地存方寸遺子孫耕笑棋枰險着蝸角虛名始
信蒼天有眼教如此壽富康寧這疇與高明老友燕坐話長生
大江東 代婺源知州于壽道任滿歸帳

星溪上好有文章太守風流英偉訟簡役均官事少百姓各安
生理樂與民同猛而不猛焯月寒江水黃童白叟路碑滿耳

帝怨古道烟微麟文公故址祠崇闕易俗移風明教化貧富一齊歡喜政績方成瓜期又至催去朝天子高明端在玉堂雲霧窓裡

水調歌頭九月潤叟庚兄見招次仲富韻時菊未花徐定

宇胡仲彬同席有宮雞犛猪之嘲胡復醉吐因次韻

風雨又重九荒徑菊岩遲試問寒花開未青萼綴芝眉不向良辰爛熳但欲留香晚節正色世間奇俗眼快先睹誰辨識激姿酌家釀潮封豕舞穿籬就中雅有狂客乘醉寫烏絲痛飲從熱吹帽笑謔可曾罵座唾咳滿煠衣老子方稱壽懽重讀書惟蝶戀花

杜宇聲乾春欲去百前番春春苦難留住借問春歸几處淡烟芳草天涯路風雨瘦七還又暮滿地殘紅輾轉添愁緒獨

倚欄杆思斷句遠山重晚青無數

梅隱見和前韻因再用前韻戲之時其妾有子又得女

燕語留春鵲勸去惱得東君住也無心住我欲報春知有處一
樽且斷愁來路 寒暑推遷如旦暮冷笑痴人貪賞多頭緒
蕪花綵看句綠陰青子今無數

梅隱再用前韻見寄復和戲之梅隱有二妾一名安一名

友

寄語東君七莫去燕舞鶯歌且好安心住邀友尋芳行樂處須
知大道多岐路 落日催人天色暮紅粉爭春想見紛端緒醉
筆偏題慵鍊句東塗西抹那知數

歌

題程氏桂堂歌

庭前老桂香滿堂云君此種來何方吳剛昔砍月間樹子落一地生天香青山欲纏千林木獨領西風到岩谷衆星移下堊珠宮餘霞幻出黃金屋燕山寶氏小山劉當時頗見有此不風吹花氣譎六合年年香透人間秋仰天高拔清徹骨致身疑在廣寒闕欲援北斗酌桂漿古香盈動盃中月

夜與上人對局歌

酒闌更剪西窓烛與上人對楸局兩軍氣壯寂無譁砲聲忽落鏃中花誰知一骨誤攻守士卒紛亡失奔走機關用盡勢與全敵車羸馬猶爭先須臾車覆馬亦斃直渡黃河死且戰不如推却而休也偶然勝敗聊優游其情莫被戲士撓苟患得失翻成愁世事反覆只頃刻此理分明人少識夜寒懶盡我欲眠別

有一样全無事

次日過長林德嬰邀歌

自憐髮短尚心長
空想禪家定慧香
安得楊枝三昧水
洗交熱惱更清涼

三用謝德嬰前韻往年痛飲于荷亭

別來白髮與愁腸
幸負荷花幾度香
今日相逢情更厚
葡萄新酒自清涼

杜宇歌

江南三月春光肥
寃禽日夜怨芳菲
天荒地老人民非
骨肉滿眼身無依
年年寒食雨霏霏
七淚血染花紅綿
圍杜宇杜宇真忘
機有翼萬里能長飛
蜀川咫尺胡不歸
不如歸去言自違
峨帽一點青
我巍啼斷春風翠烟微

秋堂弟重修碧環亭歌

愛君碧環亭重歇碧環曲方帶與圓橋不知幾人到世俗貴耳
多賤目縱令地偏僻亦何好争似一丘一壑萬事足桃杏吐紅
竹槐搖綠籬菊已殘江梅又續平挹登岷之浮翠俯視澄波之
漾綠閑來倚樓坐至晚日入酒盃手可掬肯學子牙渭濱老垂
釣肯學聃說商巖隱版築百年富貴易燎毛千古興亡總轉瞬
善計不用筭觀妙常無欲此身俯仰了不愧方寸有地長衍沃
困氓飢飯種七任吾意一枕方覺黃梁熟心愈淡志彌篤不北
名不求神爲善最樂知止不辱但願良朋日夕談勝事豈悠高
岸變爲深谷亭前之山峭聳而難度以尺寸亭下之水淵潭而
難測以斗斛亭中之人吾知其皎七超羣而不俗

昔聞東園公採芝隱商山今見西園公採茶屋屏山今昔相去
幾千載心事只在方寸間輕車一出安漢祚巨舟一掉賢國宮
時人但知東園龐眉翼東宮豈知西園白髮對西母不踏華京
塵老爲堯舜民耕田可飯鑿井飲採山釣水娛佳賓詩一卷酒
一樽呼兒長吟酒滿斟眼前萬事不排念但恐辜負好景與良
辰笑渠名韞與利鎖獨得此樂知何人秋風早催黃菊開折花
爲壽君莫推勸君雙進紫霞杯一杯百歲還復來今年七十有
九如嬰孩期願老耄數何謬回望商山青鬼催

補遺

次韵李文達表姪見壽

壯歲雖晉改舊容鬢絲無奈是秋風羨君已向雲霄上老我猶
耽筆硯中佇聽青我歌化雨每言文字忌雷同昔人三樂今誰

似更遺新詩貺懶翁

掃外祖沙隨程先生墓

策杖窮源更探幽興衰墟墓仰前修百年人物兩邱土十里雲
山滿眼秋華表不歸天地老荒碑欲付鬼神愁一樽酌罷重回
首西嶺烟寒夕照收

掃祖季興先生墓

松楸入夢促歸裝策杖衝寒步履忙下馬陵荒霜露慘活民書
在姓名香墓門翁仲惟緘口華表令威應斷腸剪棘裂錢天欲
晚暗風吹雨助淒涼

拜深山先生墓

隻鷄絮酒酌公墓慷慨空山白日高千古文章歸汗簡一杯烟

兩屬蓬蒿延陵譽重宜尼筆深柳風高魏祖中野史爲公有贊

傅林猿何用隔溪號

求放心齋

求放心齋意甚奇有北斯得失亦希出門萬里不知遠回首一鞭即可歸須信存亡繫操舍更從人道辨危微推窓雲散青山在始向今朝悟昨非

次朱平川嶽承秋堂弟登溪北方山韻

古風猶在古人稀茱菊登高熟與誰空翠萬重遙入畫亂雲千片幻成衣壺觴飲客今陶令文賦驚人舊陸機同上方山凝望處水天一色映斜暉

鄉賢夢桂公塚木被盜

時程四世孫斗山訟于官得理

松楸童禿愴空塋淚酒陳詞衆所驚飛月定應憐鵲遶遷喬那忍聽鴛鳴官持正理明如鏡人仰先靈儼若生樵採禁嚴膾案

續躬耕重見鄆原平

不朽之業有三立言其一也吾父曉園抄有懷翁詩集未登梨棗難以大行悵然久之懶翁諱壽民字松間十一世祖進士炯公曾孫也篤好藝倫沉酣典籍遍遊名勝觸景抒懷陶情觴詠以養天年所遺舊稿存族內糙菴石壇諸公處后爲志任公所得席間出示時自公在席曾向貸錄亦惟藏諸篋中而已吾乃於從學國琳几上見其藏本携呈父覽畱心校訂抄入巾箱欲公諸世付刻無貲今商及叔占魁不忍祖宗手

採傳誦弗忘囑耶
燥鴻詞以弁簡編
心之光辛獲汪老
一揮蠹墨千古
垂不朽哉